

五

四百五

百  
卷



七



文苑英華卷第一百七十一

詩二十一

應制四巡幸二 扈從附

早登太行山六首

瓊岳頌三首

經河上公廟四首

南山雀鼠谷十二首

行次成臯四首

早發三鄉山行一首

初出洛城一首

謁玄元廟一首

經鄒魯廟三首

行次温湯七首

扈從迴鑾頓一首

登會昌山二首

扈從酬和十二首

早登太行山中言誌

唐玄宗

附見張說集

清蹕渡河陽凝笳上太行火龍鳴

集作明

鳥道鐵騎逸羊腸

非集

霧埋陰壑丹霞助曉光澗泉含宿凍山木

集作草

帶餘霜野老



茅爲室樵人薜作裳宣風問耆艾敦俗勸耕桑涼德慙先哲徽猷慕昔皇不因今展義何必冒垂堂

奉和早登太行山中言志應制 張說

六龍鳴玉鑾集作九折步雲端河絡集作南浮近上經北上難羽儀映松雪戈甲帶春寒百谷晨笳動千年曉仗攢皇心感韶節敷藻念人安既立省方館復建禮神壇扈蹕參天老承榮忝夏官長勤百年意思見一勝殘

同前 張嘉貞

明發扈山巔飛龍高在天山南平對鞏山北遠通燕瞻彼岡巒峻馮茲士馬妍九旂疑行若砥萬谷輾如川羅網開三面閭閻問百年澤將春雪比文共曉星連俟后逢今聖登台謝曩賢唯餘事君節不讓古人先

同前 張九齡見集本

五月攝提貞乘時我后征晨嚴九折度慕戒六軍行曰御馳中道風師卷太清戈鋌林表出組練雪間明動直希皇豫高深奉睿情陪遊七聖列望幸百神迎氣色煙猶喜息光草上榮之眾稱萬歲今此復同聲

同前 蘇頲

北山東入海馳道上連天順動三光注登臨萬象懸俛觀河內邑平指洛陽川按蹕夷關險張旗亘井泉曉嚴中警拆春事下蒐畋德重周王問歌輕漢 后傳宸遊鋪令典睿思起芳年願以封書奏迴盞禪肅然

同前

今吾戒道清羽騎動天聲砥路方南絕重巖始北征關樓前望



遠河邑下觀平喜氣迴輿合祥風轉旆輕祝堯三老至會禹百  
神迎月令農先急春蒐禮從行仍親后土祭更理晉陽兵不似  
勞車轍空留八駿名

奉和次瓊岳頌應制

張九齡 見集本

山祗亦望幸雲雨見靈心岳館逢朝霽闔門解宿陰咸京天上  
近清渭日邊臨我武因冬狩何言是卽禽

同前

李林甫

東幸從人望西巡順物迴雲收二華出天轉五星來十月農初  
罷三驅禮復開更看瓊岳上嘉氣接神臺

同前

韋濟

陸海披晴雪千旗獵早陽岳臨秦路險河繞漢垣長行漏通鳩  
鵲離宮接建章都門信宿近歌舞扈周王

經河上公廟

唐玄宗 附見張說集

昔聞有耆叟河上獨遺榮跡與嵩塵隔心將道德并詎以天地累  
寧爲寵辱驚矯然遡 集作寥廓如何屈堅真玄玄妙門啓肅肅祠  
宇清冥冥無先後那能紀 集作姓名

奉和經河上公廟應制

張說 見集本

河上無名老知非漢代人先探道德要留待聖明神玄妙爲天  
下清虛用谷神化將和氣一風與太初隣靈廟觀遺像仙歌入  
至真皇心齊萬物何處不同塵

同前

張九齡

昔日 集作河邊叟誰知隱與仙姓名終不識章句此空傳跡爲  
坐忘晦言由強著銓精靈竟何所祠宇獨依然道在紆宸眷風  
行動睿篇從茲化天下清淨復何先



同前

蘇邈

河流無日夜河上有神仙輦路常經此壇場即宛然下疑成洞  
穴高若在空煙善物遺方外和光繞集作枕道邊事因周史得言  
向集作與漢皇傳喜屬膺期聖邦家業又玄

扈從南山雀鼠谷

張說見集本

豫動三靈贊時巡四海威破閑凌曙出平路半春歸霍鎮迎雲  
罕汾河送羽旂山南柳半密谷北草全稀逢日宜華蓋和風入  
夾衣上林千里近應見百花飛

答張說南山雀鼠谷

唐玄宗

雷出應集作膺乾象風行訓集作順國人川途猶在晉車馬漸歸秦  
皆破集作陝閑山險橫汾鼓吹震集作順草衣陽谷變花待北巖春  
聞有鴛鴦客清詞雅調新求音思欲報心迹竟難陳自此篇至

趙冬臈共十一首並附見張說集

奉和聖答張說南山雀鼠谷 宋璟

秦地雄西夏并州近北胡禹行山啓路王在邑為都忽見集作視  
寒暄隔深思險易殊四時宋伯叙六義宰臣鋪徵作宮常應星  
環日每紆盛哉逢何道良以致亨衢

同前

蘇邈

雨施巡方罷雲從訓俗迴蜜途汾水衛清蹕晉郊陪寒看集作看  
山邊靜集作盡春當日下來御祠玄鳥飛仙仗綠柳開作頌雲傳  
雅觀文色動台更知西向樂宸藻叶鹽梅

同前

王丘

襟帶三秦接旂常萬乘過陽源淑氣早陰谷沍寒多花繹前茅  
仗霜嚴後殿戈代集作戍雲開晉嶺江鴈入汾河北土分堯俗南



風動舜歌一聞天樂唱恭遂万人和

同前

魏國山河險周王警蹕迴九旗雲際出萬騎谷中來石岸行將  
盡煙郊望忽開賞矜垂柳拂春畏落花催興逸橫汾體息褒作  
頌才小臣瞻日月延首詠康哉

同前

崔翹

硤路繞河汾晴光拂曙氛笳吟中嶺樹仗入半峯雲頌堯山原  
盡平看邑里汾早行芳草遠集作未晚憩好風薰嘉頌推英宰春  
遊扈聖君共欣承膏渥日月照天文

同前

張九齡

設險諸侯地承平聖主巡東君朝二月南旆擁三辰寒出重關  
盡年隨行漏新瑞雲叢捧日芳樹曲迎春舞詠先馳道思華及

近集作從

臣汾川花鳥意併奉屬車塵

同前

王光庭

省俗息將遍巡方路稍迴寒隨汾谷盡春逐晉郊來雲騎傳行  
漏煙旄引從臺惠風初應律和氣正調梅雅送通宸詠集作禁天  
文接曙陪集作台灞陵桃李色應待日花開

同前

席豫

鳴鑿初幸代旋蓋欵橫汾山盡千旗出郊平五校分前林已暄  
景後嶺尚寒氣風送蕭韶曲花迎集作鋪蔽籥文監梅推上宰禮  
樂統中軍獻賦紆天扎飄颻飛白雲

同前

梁昇鄉

何忽重関道千年遇聖皇幽林承膏集作惠澤閑谷見清光日御  
先途遠山靈獻壽長寒雲入晉薄春樹隔汾香國佐同時雨天



文屬歲陽從來漢家盛未若巡此方

同前

趙冬曦

軒轅膺

集作應

順動力牧正敷陪道合殷為礪時行楚有材省方

西禮設振旅北京

集作方

回地里分中壤天文照上台寒依汾谷

去春入晉郊來竊比康衢者長歌仰大哉

行次成臯途經先聖擒建德之所緬思集作懷功業感

而賦詩

有隋政昏霄群雄已交爭先聖按劍起叱咤風雲生飲馬河洛

竭作氣嵩華警克敵睿圖就擒俘帝道亨顧慙嗣寶曆恭承天

下平幸過剪鯨地感慕神且英

奉和行次成臯應制

張說

見集本

夏氏階隋亂自言河朔雄王師進穀水兵氣臨山東前掃成臯

陣却下洛陽宮義合帝圖起威加天宇同軒臺百年外虞典一

巡風戰龍思王業倚馬賦神功

同前

張九齡

天命誠有集王業初惟艱翦商自文祖夷項在茲山地識斬蛇

處河臨飲馬間威加昔運往澤流今聖還尊祖頌光集作先列賡

歌安用攀紹成即我后封代出天閑

同前

蘇遯

漢東不執象河朔方闢龍夏滅漸寧亂唐興終奮庸皇威正赫

赫兵氣何匉匉用武三川震歸淳六代釀成臯都王業天下致

人雍

集作筮

即此巡于岱曾孫受命封

奉和早發三卿山行應制

張九齡

羽衛森森西向秦山川歷歷在清晨晴雲稍卷寒嵩樹宿雨微



集作能消御路塵聖德由來合天道靈符卽此應時巡遺賢一一皆霸致猶歆高深訪隱淪

奉和聖製初出洛城 前人

東土淹龍駕西人望翠華山川祗狗集作物宮觀豈爲家十月迴星斗千官捧日車洛陽無怨思巡幸更非賒

奉和謁玄元皇帝廟齋應制 前人

興運昔有感建祠北山巔雲雷初締構日月今悠然紫氣尚葱蔚集作鬱玄元如在馬追茲事追遠輪奐復增鮮洞府香林處齋

壇清漢邊吾君乃尊祖夙駕此留連樂動人神會鍾成律度圓笙歌下鳶鶴芝木萃靈僊曾是福黎庶豈唯味虛玄賡歌徒有作微薄謝昭宣

經鄒魯祭孔子而嘆之 唐玄宗 附見張說集

夫子何爲者栖栖一代中地猶鄒氏邑宅郎魯王宮歎風嗟身否傷麟怨道窮今看兩楹奠當與夢時同

奉和鄒魯祭孔子而歎應制 張說 見集本

孔聖家鄒魯儒風靄典墳龍驂過舊宅鳳德詠餘芬入室神如在昇堂樂似聞懸知一王法今日待明君

奉和經孔子舊宅應制 張九齡 見集本

丘門太山下不見登封時徒有先王法今爲明主思思加萬乘幸禮致一牢祠舊宅千年外光華空在茲

惟此溫泉是稱愈疾豈予獨受其福思與兆人共之

乘暇巡遊乃言其志 唐玄宗 附見張說集

桂殿與山連蘭湯湧自然陰崖含秀色溫泉吐潺淩續爲蠲邪著功因養正宣願言將億兆同此共昌延



奉和温泉言志應制

張說

温泉媚新豐驪山橫半空温池薰水殿翠木暖煙宮起疾逾仙

藥集作迎仙藻無私合聖功始知堯舜德心與萬人同

扈從温泉宮獻詩集作

前人

温泉啓蟄地氤集作氤渭浦歸鴻日數群騎仗聯聯環北極鳴

笳步步引南薰林間綵殿籠佳氣山上朱旗繞瑞雲不知遠夢

華胥國何如親奉帝堯君

宿直温泉宮羽林獻上

集作詩

前人

冬狩美秦正新豐樂漢行星陳玄武閣月對羽林營寒木羅霜  
仗空山嚮夜更思承靈液暖效古松貞文武皆王節事輸心不

為名

雜言奉和聖製温泉歌

張九齡

有神物待聖人去後温還冷來時樹亦春今滋十月自東歸羽

旆逶迤上翠微温谷葱蔥佳氣色離宮奕奕斗光輝臨渭川近

天邑浴日湯集作温泉復在茲群仙洞府那相及吾君利物心玄

澤浸蒼黔漸清神湯無疾苦薰歌一曲感人深

幸鳳泉湯

唐玄宗

附見張說集

西狩觀周俗南山歷漢宮薦鮮知路近省斂覓年豐陰谷含神

爨湯泉養聖功益齡仙井合愈疾醴源通不重鳴岐鳳誰矜陳

寶雄願將無限澤霑沐衆心同

奉和幸鳳泉湯應制

張說

周狩聞集作因岐禮秦都辨鳳集作雍名獻禽天子孝存老聖泉一作

泉情温潤宜冬幸遊畋樂歲成湯雲出水殿煖氣入山營坎意

無私結乾心稱物平帝歌流樂府溪谷也增榮



扈從迴鑾頓應制

蕭華

粵在秦京日議乎封禪難豈知陶唐主道濟蒼生安惟彼烈祖  
事增修實榮觀聲明朝萬國玉帛禮三壇纂聖德重光建元功  
載刊仍開舊馳道不記昔迴鑾羽衛搖時日弓戈生早寒猶思  
檢王處却望白雲端

奉和登會昌山應制

孫逖

巖磴列雲旗吾君訪道時  
軋行萬物都日馭集作六龍遲望遠  
迴天顧登高動睿詞願因山作壽長保會昌期

同前

趙起

睿想入希夷真遊到具茨  
王鸞登嶂遠雲輅出花遲  
泉壑凝神處陽和布澤時  
六龍多順動四海正雍熙  
扈從

和周記室從駕曉發合璧宮 李嶠

濯龍春苑曙翠鳳曉旗舒  
野開烟後山光澹月餘  
風長色笳響咽川迴騎行  
踈珠履陪仙駕金聲屬車動

扈從還洛呈待從群臣 前人

四海帝王家兩都姬漢室  
觀風昔來幸御氣今旋蹕  
雷奮六合開天行萬乘出  
玄真疑作奉時駕白參戎律後  
隊咽笳簫前驅嚴罕畢輝  
光射東井令橫西秩帳殿  
別陽春旌門臨甲乙將交  
路城雨稍遠長安日鞏雲  
外來咸秦霧中失孟冬霜  
霰

下是月農功畢天道向歸  
餘皇情美陰隲行存名嶽  
禮遞問年疾祝鳥旣開羅  
調人更張琴登原採謳誦  
俯谷求才術邑罕懸磬貧  
山無桂瓢逸施恩浹寰宇  
展義詠文質德澤盛軒遊  
哀矜深禹恤申歌地盧駭  
獻壽衢罇溢瑞氣抱氤氳  
變蕭颯



宗枝且與輔侍從王劉正並緝蛟龍書同簪鳳凰筆陶甄荷吹  
萬頌歎歸明一歡與道路長顧隨談笑蜜叨承廊廟舉謬齒夔  
龍弼意屬大厦成慙非棟隆吉

扈從溫泉紫微黃門郡公泛渭川得齊字 蘇翹

虹旗映綠美春仗一作漢豐西侍蹕扶清道揚舡降紫泥近臨

釣石地遙指釣黃溪岸轉帆飛疾川平棹舉齊傳舟來是用軒

馭往應迷興癸麥歌動沙洲亂夕鷺

奉和扈從溫泉宮承恩賜浴 蔡希周

天行雲從指驪宮浴日餘波錫詔同綵殿氛氲擁香溜紗窓宛  
轉閉春風來將蘭氣衝皇澤去別星文捧碧空自隣遇坎便能  
止願託仙槎路未通

和僕射晉公扈從溫湯 王維

天子幸新豐旌旗渭水東寒一作遠山天仗裏溫谷慢城中真王

群仙座薰一作焚香太一宮出遊逢牧馬罷獵有非熊土宰無爲

化明時太古同靈芝三秀紫陳粟萬箱紅玉醴尊一作王禮尊儒教

天兵小戰功謀猷歸哲匠詞賦屬文宗司諫方無闕陳詩且未

工長吟吉甫頌朝夕仰清風

此詩二百四十二卷重出今已削去注異同爲一作

和李員外從駕幸湯一作溫泉宮 錢起

未央月曉都踈鍾步一作鳳輦時巡出九重雨一作雪霽山門迎瑞

日雲開水殿候飛龍輕寒不入宮中樹佳氣常薰仗外峯遙羨

枚臯扈仙一作先蹕偏承霄漢渥恩濃

扈從鳳泉和崔黃門喜恩旨解嚴罷園

之作 蘇翹



輦路岐山曲儲胥渭水涓教成提將鼓禮備植虞旗不取從畋  
樂集作敬先流去殺慈舜韶同舞日湯祝盡飛時物應陽和施人  
知雨露私何如穆天子七萃幾勞師

扈從鄆杜間奉呈刑部尚書舅崔黃門

馬常侍

前人見集本

翠輦虹旗出帝京長楊鄆杜昔知名雲山一一看皆異竹樹叢  
叢畫不成羽騎將過持袂拂香車欲度卷簾行漢家曾草巡遊  
賦何似今來扈聖明

和姚令公從幸溫湯喜雪

張九齡見集本

萬乘飛黃馬千金孤白裘正逢銀霰積如向玉京遊瑞色鋪馳  
道花文拂綵旒還聞吉甫頌不共郢歌儔

扈從溫泉奉和姚令公喜雪

蘇翹

清道豐人望乘時漢主遊恩暉隨霰下慶澤與雲浮泉暖警銀

集作雲

磧花寒愛玉樓鼎臣今有問河伯且應留

侍從遊宿溫泉宮作

李白見集本

羽林十二將羅列應星文霜仗懸秋月蜺旌卷夜雲嚴更千戶  
肅清樂九天聞日出瞻佳氣叢叢繞聖君

扈從御宿池

祖詠

君王既巡狩輦道入秦京遠樹低槍壘孤山出幔城寒踈清禁  
漏夜警羽林兵誰念迷方客常懷魏闕情

文苑英華卷第一百七十一

登仕郎胡

柯

鄉貢進士彭

叔夏

校正



文苑英華卷第一百七十

詩二十二

應制五

元日八首

春二首

中春一首

上巳二十二首

秋十一首

元日

獻歲謙宮臣

三元建上京

彩長階分佩聲



自隋煬帝至晦日門魏收共二十三首並見歲時雜詠

奉和獻歲讌宮臣

虞世南

履端初啓節長苑命高筵肆夏喧金奏重潤響朱絃  
絲光催柳色日彩泛槐煙微臣同濫吹謬得仰鈞天

奉和元日

蕭愨

帝宮通夕燎天門拂曙開瑞雲生寶鼎榮光上露臺  
華山不凋葉宜城萬壽杯遙見飛鳧下懸知鄴縣來

元日

唐太宗

高軒曉春色邊間媚朝光彤庭飛彩牦一作翠幌曜明璫  
恭已臨四極垂衣馭八荒霜戟列丹階絲竹韻長廊  
穆矣薰風茂康哉帝道昌維文遵後軌循古鑒前王  
草秀故春色梅艷昔年粧巨川思款濟終以寄舟航

奉和元日應制

許敬宗

天正開初節日觀上重輪百靈滋景祚萬玉雜詠作土慶惟新待旦  
敷玄造韶旒御紫宸武帳臨光宅文衛象鈞陳廣廷揚九奏大  
帛麗三辰發生同化育播物體陶鈞霜空澄曉氣霞景瑩芳春  
德暉覃率土相賀奉還淳

元日思賜栢樹一作葉應制

趙彥昭

器之雕梁器材非構厦材但將千載葉常奉萬年杯

同前

李义

勁節陵冬雜詠作霜勁芳心待歲芳偏雜詠作能合人益壽非止麝含香

同前

武平一

綠葉迎春綠寒枝歷歲寒願持栢葉壽永奉萬年歡

人日



人日重雜詠作侍宴大明宮恩賜綵縷人勝應制李嶠

鳳城景色已含韶人日風光陪覺饒挂吐半輪迎此夜冥開七

葉應今朝魚猜水凍行猶澁鴛喜春熙弄歆嬌愧奉登高搃彩

翰欣承雜詠作逢御氣上丹霄

同前

趙彥昭

寶氣無為屬聖人瑤輿出幸翫芳辰平樓半入南山霧飛閣一作

闕旁臨東野春夾路穠花千樹發垂軒弱柳萬條新處處風光

今日好年年願奉屬車塵

同前

劉憲

禁苑韶年此日歸東郊道上轉青旂柳色梅花何處所風前雪

裏覓芳菲開水池內魚新躍剪絲花間鷺始飛歆識君一無王此字

遊幸一有陽字氣為觀天藻競春暉

同前

崔日用

新年宴樂正雜詠作生東朝鍾鼓鑑鎗大樂調今屋瑤筐開寶勝花

牋彩筆頌春椒曲池苔色冰前液上苑梅香雪裏嬌宸極此時

飛聖藻微臣竊抃預聞韶

同前

常元旦

鸞鳳旌旂雜詠作旗拂曉陳魚龍角觝大明辰清韶既肇人為日綺

勝初成日作人聖藻陵高裁栢賦仙歌促宴摘梅香垂旒一慶宜

年酒朝野俱歡薦壽新同前馬懷素

萬宇千門平旦開天容辰象列朝回三陽候節金為勝百福延

祥玉作杯就暖風光偏着柳辭寒雪影半藏梅何幸得參詞賦

職自隣終乏馬鄉才

同前

蘇邕



疏龍磴雜詠作登道切昭回建鳳旗門繞帝臺七葉仙萸承雜詠作依月

吐千株街柳拂煙開初年競帖宜春勝長命光雜詠作先浮獻壽杯

是日最靈知竊幸群心就捧大明來

同前 李又

詰旦行春上苑中憑高御下大明宮千年執象寰瀛泰七日為

人慶賞隆鐵鳳曾騫搖瑞雪銅鳥細轉入祥風此時朝歡無筭

此歲雲天樂未窮

同前 鄭情

瓊殿含光映早輪玉鑾初蹕望初晨池開凍水仙宮麗樹發寒

花禁苑新佳氣徘徊籠細網殘霰浙瀝染輕塵良時荷澤皆迎

勝谷窮晞陽猶未春

同前 李適

朱城待鳳韶年至碧殿蟠雜詠作龍淑氣來寶帳金屏人已帖圖

花學鳥勝初裁林香近接宜春苑山翠遙天獻壽杯向夕憑高

風景麗天文曜象昭回

同前 閔朝隱

勾芒人面乘兩龍道是春神衛九重綵勝年年逢七日醑醪歲

歲滿千鍾宮梅間雪祥光偏城柳祥煙瑞氣濃醉倒君前情未

盡雜詠作已願因歌舞自為容

同前 沈全期

拂旦鷄鳴仙衛陳憑高龍首帝庭春千官繡帳杯前壽百福香

險勝裏人山鳥初來猶怯轉林花未發已偷新天文正應韶光

轉設報懸知用此辰

上元



正月十五日應制

孫逖

洛城

雜詩作陽

三五夜天子萬年春  
綵仗移雙闕瓊筵會九賓  
無成

蒼頡字燈作法王輪不覺東方日  
遙隨御藻新

晦日

晦日泛舟應詔

盧元明

又見初學記

輕灰吹上管落莫飄下帶  
逢逢春色花  
腕腕年光麗

同前

魏收

又見初學記

裏裏春枝弱關新鳥呼棹唱  
忽逶迤菱歌時  
雀慕膏賞芳月色

宴言忘日慕游豫慰人心  
照臨康國步

春

早春桂林殿應詔

陳叔達

金鋪照春色玉律動年華  
朱樓雲似蓋丹桂雪如花  
水岸御堦

轉風條出柳斜輕與太液湛  
露酌流霞

奉和初春

上官儀

步輦出披香清歌臨太液  
曉樹流鶯滿春堤  
芳草積風色翻露文

雪華上空碧花蝶來未已  
山光暖將夕

寒食

初入秦川

一作州

路逢寒食

唐玄宗

附見張說集及歲時雜詠

洛川芳樹映天津灞岸垂柳  
宰地新直為輕過行處樂  
不知虛

度兩京春去年餘

雜詩作有

閨今春早曙色和風着  
花草可憐寒食

與清明光輝併在長安道  
自從關內

雜詩作路

入秦川爭到何人不

戲鞭公子途中妨蹴鞠  
佳人馬上廢鞦韆  
渭水長橋今欲度葱

葱漸見新豐樹遠看驪岫  
入雲霄預想湯池起  
煙霧煙霧氲水殿

開蹙拂香泉歸去來  
今歲清明行已晚  
明年寒食更相陪



奉和入秦路途寒食應制

張說 見集本

上陽柳色喚春歸臨渭桃花拂水飛  
揔為朝廷巡幸去頓教京

洛少光輝昨從汾分破集作山南口  
馳道依依漸花柳入關正投

寒食前還京遂落清明後路上天心  
重預遊御前恩賜特風流

便慕那能鏤雞子行宮善巧帖毛毬  
渭橋南渡花如撲麥隴青

青斷人目漢家竹樹直新豐秦地驪  
山抱温谷温谷香池春溜

平預歡浴日照京城今歲隨宜過寒  
食來雜詩年培調集作培宴作

清明

寒食應制

韋承慶 見歲時作

鳳條春色滿龍禁早輝通舊火收槐  
燧餘寒入桂宮鶯啼正隱

葉雞鬪始開籠藹藹搖山滿仙歌始  
樂鳳

同前

張說 見集本

寒食春過半花穠鳥復嬌從來禁火  
日會接清明朝斷敵鷄殊

勝爭毬馬絕調積空數雲點香樹百  
風搖改木迎新燧封田表

舊燒皇情愛嘉節傳曲宴雜詩與  
蕭韶

仲春

奉和聖製仲春麟德殿會百寮觀新樂權德輿

仲月始作藹芳景內遶宴群臣森森列  
千戚濟濟趨鈞陳大樂

本天地中和序人倫正聲邁咸濩易  
象合義文王俎映朝服金

鈿明舞裊韶光雪初霽聖藻風自薰  
時泰息澤溥功成行綴新

賡歌仰昭回竊比華封人

中和節

奉和聖製節賜百官宴集因示所懷 前人

萬方慶嘉節宴喜皇澤均曉開奠莢  
集作初景麗星鳥春藻思



貞百度著明並三辰物清舒在特令弘至仁衢酒和樂被薰絃  
聲曲新賡歌武弁側永荷玄化醇

上巳

三日侍宴林光殿曲水

梁簡文帝

見歲時雜  
詠又見初

學記

芳年留帝賞應物動天襟挾苑連金陣分衢度羽林帷宮對

廣掖層殿邇高岑風旗爭曳影亭宰共生陰樹類集花初墮帶

池荷歆吐心

三日侍林光殿曲水宴

梁沈約

宴鎬鏘玉鑾游汾舉仙軼榮光泛彩旄修風動芝蓋淑氣婉登

晨天行聳雲旆帳殿臨春藥帷宮繞芳薈漸席周羽觴分墀引

迴瀨穆穆玄化升濟濟皇階類聚秦將御遺風軫連侍瑤臺會

三日侍華

一作林

光殿曲水宴

梁劉孝綽

薰校三陽慕濯楔

雜詠

元已初皇心騰樂飲帳殿臨春渠豫遊

高夏諺凱樂盛周居復以焚

類從

林日丰真花樹舒羽觴環階

轉清瀾傍席疏妍歌已寥亮妙舞復紆餘九成變絲竹百戲起

雜詠  
作動 龍魚

三日侍闡亭曲水宴

梁庾肩吾

策星依夜動鑾駕忽

類聚

朝遊旌門臨遠

類從

樹相風出鳳樓

春生露泥泥天覆雲油油桃花生

類聚

玉澗柳葉暗金溝襖川

分曲洛帳殿掩芳洲踴躍頰魚醉

類聚

參差絳棗浮百戲俱臨

水千鍾共逐流

三日華林園公宴

北齊刑子才

迴鑾自樂野弭蓋屬瑤池五丞接光景七度

類聚

樹風儀芳春

時歆遽覽物惜將移新洋已胃沼餘花尚滿枝草茲徑蕪沒林



長山蔽虧芳

類集作方

遙羅玉俎激水漾金卮歌聲斷且續舞袖合還離

三日侍宴宣猷堂曲水

隋江揔

上已娛春禊芳辰喜月離北宮命簫鼓南館列旌麾繡柱擎飛閣雕軒傍曲池醉魚沉遠岫浮棗漾清漪落花懸度影飛絲不礙枝樹動丹樓出山斜翠磴危禮周羽爵遍樂闋光陰移

三日曲水侍宴應制

閔朝隱

三月重三日千春續萬春聖德如東海天文似北辰荷葉珠盤淨蓮花寶蓋新陛下制萬國臣作水心人

奉和三日校禊渭濱

韋嗣立

乘春校禊逐風光鳧蹕陪銮渭渚傍還咲當時水濱老衰年八

十待

雜詠作侍

文王

同前

徐彥伯

晴風麗日滿芳州御色春遙校錦流皆言言侍蹕璜溪讌暫似乘槎天漢游

同前

劉憲

柳花欵落柳條長沙頭水上足風光此時御蹕來遊處願奉年年校禊觴

同前

沈佺期

寶馬清車清渭濱紅桃碧柳楔堂春皇情尚憶垂竿佐天祚先呈捧劔人

同前

李义

上苑花鳥慕春時上已陪遊樂在茲此日欣逢臨渭賞昔年空道濟汾詞

同前

張說



青郊上已艷陽年紫禁皇遊被渭川幸得歡娛承湛露心同草  
樹樂春天

三月三日承恩遊官莊池得遊字 前人

鳳凰樓下帶集作對天泉鸚鵡洲中西管絃舊失平陽佳麗地今

逢上已盛明年舟將水動千尋日幕共林橫兩岸烟不降王人觀  
楔飲誰令醉舞拂賓筵

三月三日曲江樓侍宴應制 王維

萬乘親齋祭千官喜豫遊奉迎從上苑被楔向中流草樹連容  
衛山河對冕旒畫旗搖浦淑春服滿汀洲仙禦龍媒下神臯鳳  
蹕留從今億萬歲天寶紀集作紹春秋

奉和聖製與太子諸王三月三日龍池春楔之作

前人

故事修春楔新宮展豫遊明君移鳳輦太子出龍樓賦掩陳王  
作盃如洛水流金人來捧劍畫蠲去迴舟苑樹浮宮闕天池照  
冕旒宸章在雲漢岳象滿皇州

奉和聖製上已於望春亭觀楔飲之作 前人

長樂青門外宜春小苑東樓開萬井集作戶上輦過百花中畫鷁

移山妓今紹列上公清歌邀落日妍集作妙舞向春風渭水明秦

甸黃山入漢宮君王來被楔灞漭亦朝宗三百十五卷重出

奉和聖製三月三日 陳希烈見雜詠

上已迂龍駕中流泛羽觴酒因朝太子詩為樂賢王錦纜方舟  
渡瓊筵大樂張風搖垂柳色花發異林香野老歌無事朝臣飲  
歲芳皇情被群物中外洽恩光

奉和聖製三日書懷因以示百寮 崔元翰見雜詠



佳節尚元已芳時屬暮春流觴相蘭亭捧劍傳金人風輕水初  
淥日時花更新天文信昭回皇道頗敷陳恭已每從儉清心常  
保真誠茲遊衍樂以示群臣

三月三

集作二十

日承恩讌樂遊園同賦韻

張說

樂遊形勝絕

集作地

表裏望郊宮北闕連雲

集作天

項南山對掌中

皇恩貸芳月旬宴美人功魚戲芙蓉水鷺啼柳楊風春花香款  
暮天澤戀無窮長袖招斜日留光侍曲終

元在上已門今據集本作三月二十日又有旬宴之句故移

於此

夏

和湘東王首夏

冷風雜細雨垂雲助麥涼竹水俱葱翠花蝶雨飛鷺翔泥銜復

落鷓吟

初學記作吟歛

更楊卧石藤為纜山橋樹作梁欵待

初學記作侍

華

池上明月吐清光

奉和夏初應詔

隋魏彥琛

見初學記

雖度芳春節物色尚餘華山簾飛小鷺映石落殘花舞衫颯細  
穀歌扇掩輕紗蘭房本且夜不畏日光斜

奉和夏日晚景應詔

楊師道

輦路夾垂楊離宮通建章日落橫峯影雲歸起夕涼彫軒動流  
吹羽蓋息迴塘薙草生還綠殘花落

初學記作疎

尚香青巖類姑射

碧澗似洛

一作汾

陽幸屬無為日歡娛方未央

秋

秋月即目

唐太宗

爽氣浮丹闕秋光澹紫宮衣碎荷影花明菊點袍叢輕疎低草



露盖側舞松風散岫颯雲葉迷路飛煙鴻砌冷蘭凋珮閨寒樹  
隕桐別鶴棲琴裏離後啼中落野飛星峽箭弦虛半月弓芳菲  
夕霧起暮色滿房櫳

奉和秋日即日應制

許敬宗

玉露交朱網金風度綺錢昆明秋景澹岐岫落霞然辭鷺歸寒  
海來洪出遠天樂動羅帷颺花晚綉衣鮮規空昇閣魄龍野散  
輕煙鵲度林光起鳧沒水文圓無機絡秋締如管秦寒蟬乃唳  
情何極宸一作神襟豫有梅

秋日即日應詔

上官儀

上苑通平樂神池邇建章樓臺相掩映城闕互相望緹油泛行  
幔蕭吹轉浮梁晚雲含朔氣斜照蕩秋光落葉飄蟬影平流寫  
鴈行槿散凌風縹荷銷裊露香仙歌臨朽詣壹名玄豫歷長楊歸

路乘明月千門開未央

初秋夜坐

唐太宗

斜廊連綺閣初月照宵帷塞冷鴻飛疾園秋蟬噪逢露結林疎  
葉寒輕菊吐蕊愁心逢此節長歎獨含悲

初秋夜坐應詔

柳師道

玉瑄涼初應金壺夜漸闌滄池流稍縈仙掌露方溥鴈聲風處  
斷樹影月中寒爽氣長空淨高吟覺思寬

遼東山夜臨秋

唐太宗

秋風何凜冽白露為朝霜柔條朝夕勁綠葉日夜黃明月出雲  
崖皎皎流素光披軒臨前庭嗷嗷晨鴈翔

右按文選及初學記皆作晉左思雜詩而初學記別有唐  
宗遼東夜臨秋小詩偶與左思詩相接致當時誤編今附



太宗詩于後

烟生遙岸鴈月落半崖陰連山驚鳥亂隔岫斷猿吟

奉和山夜臨秋

上官儀

見初學記

帳殿清炎氣輦道含秋陰淒風移漢筑流水入虞琴雲飛送斷

鴈月上淨踈林滴瀝露枝響空濛烟壑深

秋日應詔

袁朗

見初學記

玉樹涼風舉金塘細草萎葉落商飈觀鴻歸明月池迎寒桂酒熟

含霧菊花垂一奉章臺宴千秋長願斯

九成宮秋初應詔

劉棻之

見初學記

帝圃疏金闕仙臺駐玉鑾野分鳴鶯岫路接寶鷄壇林樹千山

積山宮四序寒蟬急知秋早鷺踈覺夏闌怡神紫氣外凝睇白

雲端舜海詞波發空驚遊聖難

秋暮言志

唐太宗

朝光浮燒野霜華淨碧空結浪水初鏡在逕菊方叢約嶺煙深

翠分旗霞散紅抽思滋泉側飛相傳巖中已獲千箱慶何以繼

薰風

奉和秋言志應制

許敬宗

秋深桂初發寒惣菊餘菲波擁群鳧至秋飄朔鴈歸月莢生還

落雲枝以復非凝宸閱栖畝觀文佇少微聖敬韜前哲先天諒

不違

文苑英華卷第一百七十二

登仕郎胡

柯

鄉貢進士彭

叔夏

校正



秋日應制羅帷颺

羅集作蘿

花晚繡

集作石

有旃

集作在旃

文苑英華卷第一百七十三

詩二十三

應制六

七夕五首

九日十六首

九月追賞一首

雨八首

喜情一首

雪三十二首

七夕

奉和七夕雨儀殿會宴應制李嶠

靈正三秋會僊期七夕過槎來入泛海橋渡鵲填河帝縷昇銀閣天機罷玉梭誰言七襄詠重入五絃歌

自李嶠詩至九月門釋廣宣詩共二十首普見歲時雜詠

同前

趙彥昭

青女三秋節黃姑七月

雜詠

日期星橋渡玉珮雲閣掩羅帷河氣



通僊夜天文一睿詞今霄望靈雜詩作雲漢應得見娥眉

同前

劉憲

秋吹過雙闕星僊動二靈更深移月鏡河淺渡雲駟殿上徵方朔人間失武丁天文茲夜裏光照紫微庭

同前

李义

桂宮明月夜蘭殿起秋風雲漢彌年阻衾遙此夕同條來疑有處旋去已成空睿作鈞天響魂飛在夢中

同前

蘇邈

靈媛乘秋發僊裝警夜催月光窺欲度河色辨應來機石天文寫針樓御賞開竊觀栖鳥至疑向鵲橋迴

九日

九日侍宴樂遊苑正陽堂

梁劉苞

上郡良家子幽并游俠兒立乘爭飲羽側類集作側騎競分類聚作紛馳

明珂飾華旄金袍類聚作鞞映玉羈膳羞殫海陸和齊眡秋宜雲飛

雅琴類聚作樂奏風起洞簫吹曲終高宴罷景落樹陰移微薄承嘉

惠飲德良不訾取效績無紀感恩心自知

九日侍宴

一有樂遊苑為西豐侯作八字

梁何遜

皇德無餘重規習一作襲帝勛垂衣化比屋眷顧一作卷讓慎為君

飛飛悅有道卉木蒞平分宸一作神襟動時豫歲序屬涼氛城霞

朝一作旦晃朗槐霞曉氛一作氤鳶輿和一作和馳八襲鳳駕起一作啓

千群羽觴飲一作歌湛露侑舞奏承雲禁林終宴晚華池物色曛

疎樹翻高葉寒流聚細文一作紋日斜迢遘雨風起差莪雲運偶

參候服恩洽厠朝聞於馬籍多幸歲暮仰遊汾晴軒連瑞氣飛

惹御香芬一作皆藝文類聚



九日從駕

周王褒

黃山獵地廣青門官路長律改三秋節氣應九重霜曙影初分

地暗色始成光交旆長秋疑坂緹幕杏間堂

馬垂雙帶豐貂佩璜苑寒梨樹紫山秋菊葉黃華露霏匕冷輕

颺颺匕傷終慙屬車對空候侍中郎

侍宴九日

梁庾肩吾

轍跡光周頌巡遊盛夏功鉤陳萬騎轉閭闔九門一作通秋暉

一作逐行漏朔氣遶相風獻壽重陽節迴盞上苑中疏山開輦

道間樹出離宮五醴吹花一作菊銀牀落井桐禦裂寒更紫仙

桃秋轉紅飲羽山西射浮雲冀驄北麋飛一作金埒滿葉破一作

柳條空騰後疑矯箭驚鴈避虛弓彫才濫杞梓花綬接鸚鵡

愧乏天庭藻徒參文雅雄

此詩一百六十九卷重出今已削去注異同為一作

奉和九日

賀凱

商飈凝素籥玄覽賁黃圖曉霜驚斷鴈晨吹結相鳥寒花低岸

菊涼葉下庭梧澤宮中舊典相圃叶前模玉砌分雕戟金溝轉

鏤衢帶星飛夏箭映月上軒弧慶展簪裾洽息融雨露濡天文

發丹篆室思掩玄珠承歡徒聳林負弛一作竊忘軀

九月侍宴

陳佺期

御氣幸金方凭高薦羽觴魏文分一作菊藥一作漢武賜萸房

秋變一作洞池色晴添銀樹光雜歸一作年年雜詠一作

重九慶日日一作奉天長

此詩一百六十九卷重出今已削去注異同為一作

九月幸臨渭亭應制

趙彥昭



秋豫疑仙覽宸遊轉翠華呼鷹下鳥路戲馬出龍沙紫菊宜新

雜詠壽丹萸辟舊邪須陪長久宴歲七奉吹花

奉和聖製重陽節宰臣及群官上壽作 王維

四海方無事三秋有大年百生逢此日萬壽願齊天芍藥和全  
昇茱萸挿玳筵玉堂開右个天樂動宮懸御柳疎秋景城鷓拂  
曙煙無窮菊花節長奉栢梁篇

奉和聖製重陽旦日寮曲江宴示懷 崔元翰

偶聖覩昌期受恩慙弱質幸逢良宴會況是清秋日遠岫對壺  
觴澄瀾映簪紱炮羔備豐樂集鳳調鳴律薄劣厠英髦歡娛忘  
衰疾平臯行鴈下曲渚雙亮出沙岸菊開花霜枝果垂實天文  
見成象帝念資勤恤探道得玄珠齋心居特室豈如橫汾唱其  
事從雜詠驕逸

奉和聖製九日言懷賜中書門下及百寮

應制 權德輿

令節在豐歲皇情喜又安絲調六律簪裾列千官煙霜暮景清  
水木秋光寒遙開上望盡終南端天麗慶霄漢集作天文墨妙  
驚飛鳶願言黃花酒未奉今日歡

奉和聖製重陽日中外同歡以詩言志因

示群臣 前人

玉醴宴嘉節拜恩有餘煌煌菊花秀馥馥萸房舒白露秋稼熟  
清風天籟虛和聲度簫韶瑞氣深諸胥白辟皆醉止萬方今宴  
如宸衷在化成藻思煥瓊琚微臣徒竊林豈足歌唐虞

奉和聖製重陽日即事六韻 前人

嘉節在陽數至歡朝野同恩隨千鍾洽慶屬五稼豐時菊洗露



花秋池涵霽空金絲響僊樂劔馬羅宗公天道光下濟睿詞敷  
大中多慙擊壤曲何以達堯聰

奉和聖製奉和聖製豐年多慶九日示懷  
前人

寒露應秋節集作抄清光澄曙空澤均行葦厚年慶華黍豐聲明

暢八表宴喜陶九功文麗日月合樂和天地同聖言在推誠臣

職惟集作事非匪躬鎖細何以報翺飛淳化中

同前  
武元衡

令節還宇泰神都佳氣濃賡歌禹功盛擊壤堯年豐九奏碧霄裏

千官皇澤中南山澹凝黛曲水清涵空金玉美王度歡康謠國

風睿文垂日月末與天無窮

奉和聖製重陽日即事六韻  
前人

玉燭降寒露我皇歌大風重陽德澤振雜詩作展萬國歡娛同綺陌

擁行騎香塵凝曉空神都自藹藹佳氣助葱葱律呂金石集作陰陽

暢景光天地通徒然被鴻濡無以報玄功

九日菊花詠雜應詔  
釋廣宣

可訝東籬菊能知節候芳細枝青玉潤繁藥碎金香爽氣浮朝

露濃姿帶夜霜泛盃傳壽酒應共樂時康

追實

奉和聖製九月十八日賜百寮追實因

書所懷  
權德輿

錫宴朝野洽追歡堯舜情秋堂絲管動水榭煙霞生黃花媚新

霽碧含餘清同和六律應交泰萬寓平睿藻下中天甚思闡文

明小臣諒何幸集作以亦此影花纓

雨



庭雨應詔

梁沈約 見初學記

出空寧可圖入庭倍難賦非煙復非雲如絲復如霧霰霖裁欲  
垂霏微不能注雖無千金質聊為一辰趣

發營逢雨應詔

虞世南

豫遊欣勝地皇澤乃光 初學記作先 天油雲陰御道膏雨潤公田隴

麥霑逾翠山花濕更燃稼穡良所重方復悅豐年

奉和春日途中喜雨

魏知右 見初學記

皇遊向洛城時雨應天行麗日登巖送陰雲出野迎濯枝林杏

發潤葉渚蒲生絲入綸言喜花依錦字明微臣忝東觀載筆佇

西城

詠雨

唐太宗

罩雲飄遠岫噴雨泛長河低飛昏嶺腹斜足灑巖河沄叢珠締

葉起溜鏡圓

一作圖 波濤柳添蜜含吹識空羅

奉和詠雨應詔

許敬宗

舞商初赴節相鷺遠迎秋飄絲交斂網亂滴起池漚激雷分龍

闕斜飛灑鳳樓崇朝方浹寓宸昫俯凝旒

奉和春日遊苑喜雨應制

園樓春日歸入苑弄花菲蜜雨迎仙步低雲拂御衣危苑霑易

落度鳥濕難飛膏澤登千庾歡情遍九圍

同前

李乂 見集本

僊蹕九成臺香筵萬壽杯一旬初雨降二月早聞雷葉向朝躋

蜜花含宿潤開幸承天澤豫無使日光催

奉和御製雨後出城觀覽勅朝臣已下 司空曙

上上開鶉野師師出鳳城因知聖主念能遂老農情隴麥垂秋



合郊塵得雨清集作晴時新薦玄祖歲足富集作布蒼生却馬川原  
靜聞鷄水土平薰玄歌舜德和鼎致堯名覽物欣多稼垂衣御  
大明史官何所錄稱瑞天晴

晴

喜晴應詔勅自疏韻

庾信

御辨誠膺錄惟皇稱有建雷澤昔經漁負夏時從馭栢梁駮駟  
馬高陵馳六傳有序屬賓連私表平憲無河堤崩故柳秋水高  
新堰心齊昏墊樂徹憐胥怨法輪聞勝辨禪河東高綸王城  
水闕息洛浦河圖獻伏泉還習坎歸風已迴選桐枝長舊園蒲  
節抽新寸山藪坎藏疾幽棲得無悶有慶兆民同論年天子萬  
雪詠春近餘雪應詔前入

雪

詠春近餘雪應詔

前人

酒留客擬彈琴陪遊愧並作空見奉息深

喜雪

唐太宗

碧昏朝合霧丹卷暝韜霞結葉繁雲色凝瓊遍雪花光樓皎若  
粉映幕集疑沙泛柳飛飛絮粧梅片片花照壁臺圓月飄珠箔  
穿露瑤絜短長階玉藂高下樹映桐珪累白縈峯蓮抱素斷續  
氣將流徘徊歲暮懷珍愧隱德表端佇豐年藥間禁苑鶴  
處舞伊川儻詠歌蘭曲同歡黃竹馬

奉和喜雪應制

許敬宗

嶷州表竒貺闕竹應遊巡何如御京洛流霰下天津忽若瓊林  
曙俄同李迳春姑峯映僊質郢路雜歌塵伏檻觀花瑞稱觴慶  
冬積飄河共瀉銀委樹還重壁連山分掩翠綿霄遠韶碧千里  
遍浮空五韞咸淪跡機前暉裂素池上伴凌波騰華承玉宇凝



照混金娥是日松筠性欣奉栢梁歌

詠雪

唐太宗

繁野凝晨曜裝墀帶斜輝集條分樹玉拂浪影泉璣色灑粧臺  
粉花飄綺席衣入扇縈離匣點素皎殘機

奉和詠雪應制

寒雲垂廣幕飄霰下天津無轍方低至有感瑞花新色映姑山  
質舞對洛川神忽奉瑤池詠慙和郢中春

奉和人日清蹕閣宴群臣遇雪應

李嶠見雜詠

三陽偏勝節七日最靈辰行慶傳芳蟻一作信外高綴綵人堦前  
賞候月樓上雪驚春上日御天造還疑上漢津

同前

宗楚客見雜詠

窈窕神仙客參差雲漢間九重中禁啓七日早春寒太液天爲

水蓬萊雪作山今朝上林樹無處不堪攀

同前

劉憲

輿輦乘人日登臨上鳳京尋歌曲颺雪向舞行縈千官風隨輿  
合百福與春雜詠作時并承恩長若此微賦幸輕生

同前

李乂見雜詠

上月登樓賞中天御輦飛後庭聯舞唱前席仰息輝膚作風雲  
起農神雨雪霏幸陪人勝節長願奉垂衣

同前

趙彥昭見雜詠

出震乘東陸憑高御北辰祥雲應早歲瑞雪候初旬官樹千官  
發階莫七葉新幸承今日宴長奉萬年春

同前

蘇邕見雜詠

樓觀空煙裏芳年瑞雪過苑花齊玉樹池水作銀河七日祥圖



啓千春御賞多輕飛傳綵勝天上奉薰歌

遊禁苑幸臨渭亭遇雪應制 李嶠

同雲接野烟飛雪暗長天拂樹添梅色過樓助粉妍  
含班文翫韻入楚絃六出迎僊藻千箱答瑞年

同前 瑞集作 李適

長樂喜春歸披香瑞雪霏花從銀閣度絮繞玉牕飛  
寫曜御天藻呈祥拂御衣林紛可望無處不光輝

同前 蘇邈

平明敞帝君霰雪下陵虛寫月含珠綴從風薄綺踈  
年驚花絮早春應管弦初已屬雲天封欣承霈澤餘

同前 李乂

青陽御紫微白雪下彫闈浹壤沉天霈緜區灑帝輝  
水如銀漢燭雲似玉披衣為得因風起還來就日飛

燭雲似玉披衣為得因風起還來就日飛

同前 徐彥伯

玉律藏冰候彫階飛雪時日寒消不盡風定舞還遲  
瓊樹留宸矚璇花入睿詞懸知穆天子黃竹謾言時

奉和遊苑遇雪應制 李嶠

散漫祥雲逐聖迴飄飄瑤雪遠天來不能落後爭飛  
絮故欲迎前定早梅

同前 劉憲

龍驂曉入望春宮正逢春雪舞東風花光併載天文  
上寒氣行銷御酒中

同前 宋之問

紫禁僊輿詰旦來青旗遙倚望春臺不知庭霰今朝  
落疑是林



花昨夜開

奉和洛陽翫雪應制

沈佺期

周王甲子旦漢后德陽宮洒瑞天庭裏驚春御苑中氛氲生浩氣颯杏舞迴風宸藻光盈尺賡歌樂歲豐

奉和春日翫雪應制

宋之問

北闕彤雲掩曙霞東風吹雪舞山家瓊章定少千人和銀樹長芳六出花

喜雪應制

宗楚客

飄飄瑞雪下山川散漫輕飛集九埏似絮還飛垂柳陌如花更繞洛梅前影隨明月團紈扇聲將流水雜鳴絃共荷神功萬度積終期聖壽百千年

野次喜雪

唐玄宗

附見張說集

拂曉闢行宮寒臯野望通繁雲低遠岫飛雪舞長空賦象桓依物榮迴屢逐風為知勤恤意先此示年豐

奉和同前應制

張說

寒更玉漏催曉邑幄集作御非前開決漭雲陰積氛氲風雪迴山知

集作如

銀作甕宮見壁為

集作成

臺欵驗豐年象飄飄僊藻來

温湯對雪

唐玄宗

附見張說集

比風吹同雲同雲飛白雪白雪乍迴散比風集作同雲何慘烈未見温泉

冰那

集作寧

知火井滅表瑞良在茲庶希可怡悅

奉和温湯對雪應制

張說

瑞雪市寒風入陰瑄陰瑄方凝閉寒風復淒斷宮似寒風瑤林

匝

集作布

庭如月華滿正賡挾續詞非近湯泉暖

校獵義成喜逢大雪率題九韻以示



群臣

唐玄宗

附見張說集

弧矢威天下旌旗遊近縣一面施鳥羅三驅教人戰暮雲成積  
雪曉色開行殿皓然原隰同不覺林野變北風勇士馬東日華  
組練觸地銀聲出連山縞鹿見月兔落高矰星狼下飛箭既欣  
盈尺兆復憶磻溪便歲豐將遇賢俱荷皇天卷

奉和同前應制

張說

見集本

文教資武功郊畋閱邦政不知仁育久徒看禽獸盛夜散氛埃  
滅朝日山川淨綽仗飛走繫抨弦筋角勁帝射叅神道龍馳合  
人性五豨連一發百中皆先命勇爵均萬夫雄圖羅七聖星為  
告符老雪作豐年慶嘉聽行獵詩威神入軍令

喜雪

唐玄宗

附見張說集

日觀卜先征時巡順物情風行未備禮雲密遽飄霰委樹寒花  
發榮空落絮輕朝如玉已會庭似月猶明既覩膚先合還欣尺  
有盈登封何以報因此謝功成

奉和同前應制

張說

聖德與天同封巒歆報功詔書期集作欺曰下靈感應時通觸石  
雲呈瑞含花雪告豐積如沙照月散似麵從風舞集僊臺上歌  
流帝樂中遙知百神喜灑路侍行宮

同前

徐安貞

西宮齋祭近登臨雨雪紛紛天晝陰祗為經寒無瑞色頓教正  
月滿春林蓬萊北上旌門暗花萼南歸馬跡深自有三農歌帝  
力還將萬庾答堯心

雜言奉和聖製瑞雪篇

張九齡

萬年春三朝日上御明臺旒庭實初瑞雪弓霏微俄同雲弓蒙



蜜此時騷切陰風生先過金殿有餘清信宿嬋娟飛雪度能使  
玉人俱掩嫫皓皓樓前月白紛紛陌上初塵皆素昨訝驕陽積  
數旬始知和氣待迎新匪唯在人利曾是扶天意天意豈云遙  
雪下不崇朝皇情翫無斃雪委方盈尺草樹紛早榮京坻宛光  
積君思誠謂何歲稔復人何預數斯箱慶應如此雪多朝冕旒  
兮載悅想臺集作笠兮豐一作節倚瑤琴兮或歌一作侍續  
薰風兮瑞雪福浸昌應尤盛瑞雪年七常感聖願以栢梁作為  
柳花詠

文苑英華卷第一百七十三

登仕郎胡

柯

鄉貢進士彭

叔夏

校正

奉和喜雪瓊林

瓊集

作梅委樹

集作

奉和春日幸望春宮

朱放



文苑英華卷第一百七十四

詩二十四

應制七

宮二十九首

臺七首

宅七首

宮

過舊宮

周明帝

玉燭調秋氣今輿歷舊宮還如過白水更似入新豐秋潭清

初學

記作清

晚菊寒井落踈桐舉杯延故老令聞歌大風

奉和春日幸望春宮

岑羲

和風助律應韶年清蹕乘高出望仙花笑鶯歌迎帝輦雲披日  
霽俯皇川南山近獻仙杯上北斗平臨御宸前一奉息榮歡在鎬  
空知率舞聽薰絃



同前

集作望春宮迎春  
內出絲花樹應制

催湜

澹蕩

集作澹淡

春光滿曉空  
逍遙御輦入離宮  
山河降望雲  
天外臺榭參差烟霧中

庭際花飛錦繡合  
枝間鳥轉管絃同  
即此歡娛齊

鎬宴唯應率土

集作舞

樂薰風

同前

張說

別館芳菲上苑東  
飛花澹沲

集作蕩

御筵紅城臨渭水  
天河近闕

對南山雲霧

集作雨露

通繞殿流鶯  
凡幾樹當溪  
亂蝶許多叢  
春園

既醉心和

集作知

樂共識皇恩  
造化同

同前

武平一

鑾輅青旂下帝臺  
東郊上苑望春來  
黃鸝未解林間轉  
紅藥先

從殿裏開畫閣  
條風初變柳銀塘  
曲水半含苔  
忻逢蒼藻光  
韶律

更促霞觴畏景催

同前

劉憲

暮春春色最徧

一作更

妍苑裏花間

一作開

列御筵南

一作商

山積翠

臨城起滻水  
浮光共幕連  
鴛藏嫩葉歌  
相喚蝶礙芳叢  
舞不前

歡娛節物今如此  
願奉宸遊億萬年

一作皆初學記

同前

蘇邕

東望望春春可憐  
更逢晴日柳含煙  
宮中不見南山盡  
城上平

臨北斗懸細草  
徧承迴輦處  
輕花故落捧觴前  
宸遊對此歡無

極鳥喞聲入管絃

同前

鄭惜

晨蹕凌高轉翠旌  
春樓望遠背朱城  
忽排花上游  
天苑却坐雲

邊看帝京百草香  
心初骨蝶千林嫩  
葉始藏鴛幸同葵  
藿傾陽



早願此盤根應帝榮

同前

薛稷

九春風景足林泉四面雲霞敞御筵花樓黃山繡作苑草圖玄  
灞錦為川飛觴競醉心迴日走馬爭看眼着鞭喜奉仙遊歸路  
遠直論行樂不言旋

同前

帝元旦

九重樓閣半山河四望韶陽春未賒侍蹕奸歌臨灞浹留觴熊  
舞出京華危萍競捧中衡日戲馬爭銜上苑花景色歡娛長若  
此承恩不醉不還家

同前

催日用

東郊芳物正薰馨素湓亮鷺戲綠汀鳳閣斜通平樂觀龍旂直  
逼望春亭光風搖動蘭英紫淑氣依遲柳色清渭浦明晨修楔

事郡公傾賀水心銘

同前

馬懷素

絲牦

一作伏

瑤輿俯碧潯行春御氣發皇心搖風細柳縈馳道映日

輕花出禁林通野園亭開帝幕連提草樹依狎簪謬參西掖露  
光酒願沐南薰解舜琴

同前

李適

玉輦金輿天上來花園四望錦屏開輕絲半拂朱門柳細纈全  
披畫閣梅舞蝶飛行飄御席鸞歌度曲繞仙杯聖詞今日光輝  
滿漢主秋風莫道才

同前

李义

東城結宇瞰千尋北闕迴輿且集作具四臨麗日祥烟承卑畢輕  
夷弱草籍衣簪秦商重沓雲巖近河渭縈紆霧壑深謬接鴛鴻



集作

陪賞樂還欣魚鳥遂飛沉

同前

沈佺期

芳郊綠野散春情復道離宮煙霧生楊柳千條花欲綻蒲萄百丈蔓初縈林香酒氣元相入鳥轉歌聲各自成定是風光牽醉宿來是復得幸昆明

奉和幸長安故城未央宮應制 李嶠

舊宮賢相築新苑聖君來運改城隍變年深棟宇摧後池無復水前殿久城灰冀辨祈風觀空傳承露杯宸心千載合睿律九韶開今日聯章處猶疑上栢臺

同前

趙彦昭

鳳駕移天蹕憑軒覽漢都寒煙收紫禁春色繞黃圖舊史遺陳跡前王失霸符山河寸土盡宮觀尺椽無崇高唯在德壯麗豈

為謨茨室留皇鑒薰歌盛有虞

同前

劉憲

漢宮千祀柳軒駕一來遊夷蕩長如此威靈不復留憑高睿賞懷發古聖懷周寒向南山歛春過北渭浮土功昔云盛人英今所求幸聽薰風曲方知霸道羞

同前

宋之問

漢皇未息戰蕭相乃營宮壯麗一朝盡威靈千載空皇明悵前跡置酒宴群公寒輕彩旗外春發慢城中樂思迴白日歌城起大風今朝天子貴不假叔孫通

同前

李乂 集無

鳳輦乘春陌龍山訪古臺北宮繞處所南斗獨昭迴肆覽飛宸禮稱觴引御杯已觀蓬海變誰厭栢梁災代揖一作孫通禮朝



稱賈誼才忝齊文雅地先後各時來

暇日與兄弟同遊興慶宮作  
有序 康玄宗 附見張

代邸青門右離宮紫陌垂庭如過沛日水若渡江時綺觀連雞

岫朱樓接鴈池從來敦棣萼今此茂荆枝萬葉傳餘慶千年志

不移憑軒聊屬目輕輦共追隨務本崇訓相輝保羽儀時康俗

易漸德薄政難施鼓吹迎飛蓋絃歌送羽卮所希覃率士孝弟

一同規

奉和同前應制

張說

漢武橫汾日周王宴鎬年何如造區夏復此睦親賢巢鳳成新

集作閣飛龍躍舊集作泉棣華歌尚在相葉戲仍傳禁籞氛埃

隔樓臺景物連聖慈良有裕王道固無偏問俗兆人阜觀風五

教宣獻圖開益地張樂奏鈞天侍酌衢樽滿詢芻諫鼓懸詠言

形交愛萬國共周旋

過晉陽宮

唐玄宗 附見張

緬想封唐處寔惟建國初俯察伊晉野仰觀乃參墟井邑龍斯

躍集作城池鳳翔餘林塘猶肺澤臺榭宛舊居運革柞中否時

遷命茲符顧循承丕構怵惕多憂虞尚恐威不逮復慮化未孚

豈勞轍跡所期訓戒車習俗問黎人親巡慰里閭永言念成功

頌德臨康長懷經綸日歎息履庭偶艱難安可忘歆去良踟躕

奉和同前應制

張說

太原俗尚武高皇初奮庸星軒三晉躔土樂二堯封北風遂舉

鵬西河亦上龍至德起王業維明賴人邕集作六葉啓昌期再

興廣聖蹤傳呼大駕來文物如雲從連營火百里縱觀人千重

翠葉度汾橋集作白日臨罕峯粉榆思賞洽桑梓舊情恭往運



感不追清時惜難逢詩發樽祖心頌刊盛德容願君及春事迴  
輿綏萬邦

同前

張九齡

隋季失天策萬方罹凶殘皇祖稱義旗三靈背獲安聖朝將申  
錫王業咸集作艱難盜移未改命歷在終履端被汾惟帝鄉雄

都信鬱盤一月朔巡狩群后陪清臺霸迹在沛庭舊儀覩

漢官唐風思何深舜典敷更寬戶集作蒙松榆復邑爭牛酒歡

緬惟剪商後豈獨微禹歎三后既天在集作萬年斯石刊尊祖

實我皇天文皆仰觀

同前

蘇邕

隋運與天絕生靈厭氛昏聖期在寧亂士馬興太原立極萬邦推  
登庸四海尊慶膺神武帝業付皇曾孫緬暮封唐首追惟歸沛魂

詔書感先義典禮巡舊藩高殿絲雲合春旗祥風翻率西見汾

水奔北空塞垣欵曲童兒集作佐依遲故老言里頌慈惠賞家

受復除息下輦崇三都集教又建碑當九門孝思敦集作至美

億載奉開元

奉和聖制至長春宮登樓觀稼穡之作 前人

帝迹奚其遠皇符之所崇敬時堯務作盡力禹稱功赫上惟元

后經營自在馮變蕪秔稻實流惡水泉通國阜猶前豹人疲詎

昔熊黃圖巡沃野清吹入離宮是聞京抵富仍觀都邑雄憑軒

一何綺積溜寫時空禮節家安外和平俗在中見龍垂渭北辭

鴈指河東蒼思方居鎬宸遊若飲豐寧夸子雲從祗為獵扶風

奉和御製從蓬萊宮向興慶閣道中作 王維

渭水自縈秦甸曲黃山舊繞漢宮斜鑿輿迴出仙門柳閣道遙



集作

看上苑花雪

集作

裏帝城雙鳳闕雨中春樹萬人家為乘

陽氣行時令不是宸遊重物華

同前

李愷

別館春還淑氣催三宮路轉鳳凰臺雲飛北闕輕陰散雨歇南山積翠來御柳遙隨天仗發林花不待曉風開已知聖澤深無限更喜年芳入睿才

臺

琴臺詩

此詩見三百十三卷臺門

梁簡文帝

登三臺言志

唐太宗

未央初壯漢阿房昔侈秦在危猶騁麗居奢遂役人豈如家四海日宇整朝倫翦天裁戶舊砌地剪基新引月擎宵桂飄雲逼曙鱗露除光泫玉霜闕映雕銀舞接花梁鸞歌迎鳥路塵鏡池波太液莊苑麗宜春作異甘泉日亭非路寢辰念勞慙逸已居曠反勞神所欣成大厦宏材佇涓濱

奉和同前

許敬宗

中天表雲榭戴極聳崑樓聖作規玄造軒阿復聿修高門符令節形勝神州企翼搏禽萃飛鸞鸞雀遊綴星羅百拱綠漢轉三休旦雲生玉鳥初月上銀鈎妙管含秦鳳仙姿儷斗牛形言防處逸粹藻發嘉猷荷生無以謝盡瘁竟何酬

鸞雀

集作

盡瘁

集作

春臺望

唐玄宗

暇景屬三春高堂聊四望目極千里際山川一何壯太華見重巖終南分疊嶂郊原紛綺錯參差多異狀佳氣滿通溝逢步入綺樓初鷺一一鳴紅樹歸鴈雙雙去綠洲太液池中下黃鶴昆



明水上映牽牛聞道漢家全盛日別管離宮趣非一井泉遷迤  
旦明光五柞連延接未央周廬徼道縱橫轉飛閣迴軒左右長  
須念作勞居者逸勿言我後焉能恤為想雄豪壯栢梁何如陋  
儉卑茅室陽烏黯黯向山沉夕鳥喧喧入上林薄暮賞餘迴步  
輦還念中人罷百金

奉和御製同前

賀知章

青陽布王道玄覽陶真性欣若天下春高逾域中聖神臯類觀  
賞帝里如懸鏡繚繞入川浮岩堯雙闕映曉色徧昭陽晴雲卷  
豫章華滋的皪丹青樹顛氣氤氳金玉堂尚有靈地下廊時還  
微瑞寶入陳倉自昔秦奢漢窮武後庭萬餘宮百數旗迴五丈  
殿千門連綿南墜出西垣廣畫螭蛾華窈窕羅生玳瑁象崑崙  
迺捲天情興憑恤方求土木良非一荆臨章觀趙叢臺何如堯

階將禹室層欄窳窳下龍輿清管逶迤半綺疏一聽南風引鸞  
舞長謚北極仰鷄居

同前

許景先

睿德在青陽高居視中縣秦城連鳳漢寢疏龍殿文物照光輝  
郊畿鬱葱脩千門望城錦八水明如練復道曉光披宸遊出禁  
移瑞氣朝浮五雲閣疑作閣祥花夜吐萬年枝蘭葉疑負龜初薦  
杜桐花集鳳更來儀秦漢生人凋力役阿房甘泉構雲碧汾祠  
雍時望通天玉堂宣室坐長年鼓鍾西秦咸陽觀苑囿南通鄠  
杜田明主卑宮誠前失輔德欽賢政惟一昆蟲不夭在春蒐稼  
穡常艱重農術邦家已荷聖謨新猶聞儉陋惜中人預奉北辰  
垂七躍長歌東武抃千春

同前

蘇遯



壯麗天之府神明王者宅大君乘飛龍登被復懷昔圓闕朱光  
焰橫山翠微積河沂流作表縣聚開成陌卽舊在皇家惟新具  
物華雲連所上居恒屬日更時中望不斜三月滄池搖積水萬  
年青樹綴新集作點驚花暴蠹國此嘗圖霸霸業後仁先以詐東破  
諸侯西入秦咸陽北坂南渭津詩書焚藝散學士高閣奢踰嬌  
美人事往覆軻經遠喻春還按蹕憑高賦戎觀愛力深惟省越  
厭陳方何足務情吹遙遙發帝臺宸文耿耿照天迴伯夷位事  
愚臣忝喜奏聲成鳳鳥來

宅

過舊宅二首

唐太宗

新豐停翠輦譙邑駐鳴笳園荒一逕斷臺古一作平半階斜輦上前  
池消舊水昔樹發今花一朝辭北初學記地四海遂成家

二

金輿巡白水玉輦駐新豐細落藤披架花殘菊破叢鋪庭荒草  
蔓流竭半池空紉佩蘭凋逕舒珪葉剪桐昔地一藩內今宅九  
圍中架海波澄鏡韜戈器反農八表文同軌無勞歌大風

奉和同前應制

許敬宗

飛龍臨紫氣出宸表青光自爾家寰海今茲及帝鄉情深感代  
國樂甚醺譙方白水浮佳氣黃星聚太常參鳳層鳴閣艷雀賀  
雕梁桂山猶揔翠蘅薄尚流芳攀鱗有遺皓沐德抃稱觴

同前

上官儀

石闕清晚宴旋輿御早秋神麾颺珠雨仙吹響飛流沛水祥雲  
泛宛郊瑞氣浮大風疑漢筑叢煙入舜球翠梧臨鳳邸滋蘭帶  
鶴舟偃伯歌玄化扈蹕頌王遊遺簪謬詔獎珥筆荷恩休



爰因巡省途次舊居

唐玄宗

附見張說集

三千初擊浪九萬欲搏空天地猶驚否陰陽始遇蒙存身期集作  
斯歷試佐貳佇昭融多謝時康理良慙實賴集作功長懷問鼎  
氣夙負拔山雄不學劉琨舞先歌漢祖風英髦既包括豪傑自  
牢龍人事一朝異謳謠四河同如何昔朱邸今此作離宮鴈沼  
澄瀾翠嶽巖落照紅小山餘桂馥長坂舊蘭叢即是淹留處乘  
歡樂未窮

奉和同前應制

張說

翦集作鬱興王郡殷憂啓聖圖周成會西土漢定集作幸南都歲  
卜鸞一作輿邁農祠鴈疑政敷武威稜外域文教靡中區警蹕  
千戈捧朝宗萬玉趨舊藩人事革新禮國客珠壁有貞龍畫庭  
餘鳴鳳梧叢觴祝堯壽合鼎獻湯厨陽樂寒初變春思集作蟄

共集作

蘇三者頒命服五稔復田輸君賦大風起人歌湛露濡

從臣觀王業集作

方願紀靈符

同前

蘇頲

潞國臨淄邸天王別駕輿出潛離鴈際小往大來初東陸行春  
典南陽卽舊居約川星早駐扶道日旂舒雲覆連行在風迴助  
掃除木行城邑望臯落土田疏昔試拜興后今過俗後予示威  
寧校獵崇讓不陳漁府吏趨宸宸鄉耆捧帝車帳傾三飲處閑  
整六飛餘盛業銘汾鼎昌期應落書願陪歌賦未留比蜀相如  
文苑英華卷第一百七十四

登仕郎胡柯鄉貢進士彭

叔夏

校正

宋之問和春日幸望春宮春發幔城中

集作東此下集本有登高省時物懷

古發宸聰鐘送長樂處臺識未央中四句

樂思迴白日

集作樂關仍留景







臨芳殿侍宴

前人

見初學記

鍾箭且徘徊皇堂薦羽杯橋平疑水落石迴見山開林前暝色  
靜花處近香來西嶠傷撫夕北閣濫游陪

儀鸞殿早秋

唐太宗

寒驚薊門葉秋發小山枝松陰背日轉竹避風移提壺影菊花  
岸高興芙蓉池歆知涼氣早巢空鷺不規

奉和儀鸞殿早秋應制

許敬宗

睿想追嘉豫臨軒御早秋斜暉麗粉壁清吹肅朱樓高殿凝陰  
滿雕窓艷曲流小臣參廣宴大造諒難酬

樓

登北顧樓

梁武帝

歇駕止行驚迴輿暫遊識清道巡丘壑緩步肆登陟鴈

行上差池羊觴轉相逼歷覽窮天步矚矚盡地域南城

連地險北顧臨水測深潭下無底高岸長不測舊嶼石若構新

州花似

一作織

奉和同前

梁簡文帝

春陵佳氣地濟水鳳凰

初學記作星

宮况此徐方域川岳邁周禮皇

情愛歷覽游陟擬崆峒聊驅式道候無勞襄野童霧滄開早日

晴天歇晚虹去帆入雲裏遙星出海中

此詩三百十一卷重出今已削去

初春登樓即日觀作述懷

唐太宗

憑軒俯蘭閣眺矚散靈衿綺峯含翠霧照日藥紅林鏤丹霞錦  
岫殘素雪班岑拂浪堤垂柳嬌花鳥續吟連薨豈一拱衆榦如千  
尋明非獨材力終籍棟梁深彌懷矜樂志更懼戒盈心愧制勞



居遠方龜十產金

奉和同前應詔

許敬宗

旭旦臨重壁天眷極中京春暉發芳甸佳氣滿層城去鳥隨看

沒來雲逐望生歌裏非烟颺琴上凱風清文波浮鏤檻集作摘

景煥雕楹瓊璣體寬政隆棟象端衡創規雖有作疑拱遂無營

沐恩空改鬢將何謝夏夏與成

春日登陝州城樓俯眺原野迴丹碧綴烟霞蜜翠班

紅芳菲花柳即日川岫聊以命篇 唐太宗

碧原開霧隰綺巔峻霧城烟峯高下翠日浪淺深明班紅裝藥

樹圓清厭溜荆跡巖勞傳想窺野芳華疑作情巨川何以濟舟

楫佇時英

奉和同前應制

許敬宗

挹河徵綠字御溝曬朱宮辰旂翻麗景星罕曳雕虹學頻齊柳

嫩集作妍笑發春藁錦鱗文碧浪繡羽絢青空齊念三階靜遐

想二南風

登蒲州道遙樓

唐玄宗

長榆息烽火高柳靜風塵卜征巡九洛展豫出三秦昔是潛龍

地今為上里辰時平乘道泰聊賞遇年春黃河分地絡飛觀接

天津一覽遺芳翰千載肅如神

奉和同前應制

蘇頲

在昔堯舜禹遺塵成典謨聖皇東巡狩況乃經此都樓觀紛迤

遞河山幾縈紆緬懷祖宗業相繼文武圖恃德既無險觀風諒

有孚豈如汾水簫鼓事遊娛

夏首花萼樓觀群臣宴寧玉山亭迴樓下又申之以



賞樂賦詩

有府不錄

唐玄宗

今年通閏月入下展春輝樓上風花媚

一作晚

城隅賞宴

一作宴賞歸

九歌楊政要六舞散朝衣天喜時相合人和

一作知非

事不違禮中

推意後樂處感心微別賞陽臺樂前旬暮雨飛

一作皆集本

奉和花萼樓下宴群臣應制

張說

萬心翹樂宴三舍緩昌時山接夏雲險臺樓春日逢鄴移芳未

歇興隔賞仍追醉後傳嘉惠樓前舞聖慈皇恩與時合天意第

集作若

人期故廢前雨新垂湛露詞

奉和御制登鴛鴦樓即目應制

孫逖

王輦下離宮瓊樓上半空方巡五年狩更闢四門聰井邑觀秦

野山河念禹功停壺留膏作軒檻起南風

奉和聖制御春樓明臨右相園亭賦樂賢

詩應制

王維

複道通長樂青門臨上

集作上坦

路遙聞鳳吹喧闈織龍輿度褰旒

明四目伏檻紆三雀小苑接侯家飛甍映宮樹商山原上碧滄

水林端素艮漢下天章瓊筵承湛露將非富人寵信以平戎故

從來簡帝心詎得迴天步

奉和登玄武樓觀射即事懷賜孟涉等應制 崔元翰

寧歲常有備殊方靡不賓禁宮列武衛帝座彰威神講事一臨

幸加恩徧撫巡城高鳳樓聳塲迴獸侯新飲羽連百中控弦踰

六鈞棟材盡瓜士受在皆信臣光賞文藻麗便繁心旅

疑作親

復如觀太清昭爛垂芳辰

閣



聖恩宦問獨遊月燈閣直書其事應制 釋廣宣  
禪居河畔無多地來往尋春物正華磴道上盤千畝竹欄干低  
數萬人家簷前施飲來飛鳴林下行香踏落花自解剎那知拂  
性不勞更喻幾塵沙

亭

幸梨園亭觀打毬應

令節重遨遊分鑣戲綵毬驕驂四上苑踈蹠繞通溝影就紅塵  
沒光隨赭汗流賞闌清景慕歌舞樂時休

同前

沈佺期

今春芳遊接武上瓊樓宛轉縈香騎飄颻拂畫毬俯見仰未落  
迴啻逐傍流祇為看花鳥時已悞失壽

同前

集作梨園亭  
子侍宴應制

崔堤

年光陌上發香輦禁中遊單野鴛鴦殿花明翡翠樓寶集作天杯

承露酌僊管雜風流今日陪歡豫皇恩不可酬

望春亭侍遊應制

杜審言

見集本

帝出明光殿天臨太液池堯樽隨步輦舜樂繞行麾万壽禎祥  
獻三春景物滋小臣同酌海歌頌答無爲

宿羽亭侍宴應制

前人

步輦千門出離宮二月開風光新柳報宴賞百一作落花催碧水

淫雲

集作空

閣青山繞吹臺聖情留曉興歌管送余盃

此詩一百六十九卷侍宴門重出今已削去注異同爲

一作夏日僊萼亭應制

宋之問

高嶺逼星河乘輿此日過野舍時雨潤山雜夏雲多睿藻光巖  
穴宸襟洽薜蘿悠然小天下歸路滿笙歌



奉和幸神臯亭應制

晚集作

前人

清蹕諠黃道乘輿降紫宸霜戈駐晚日雲管發陽春臺古全疑  
漢林余半識秦宴酣詩布澤節改令行仁昔時河山險今依道  
德淳多慙獻嘉頌空累屬車塵疑漢集作知漢

侍宴蕤荷亭

張說

迴銜青岳觀帳殿紫烟峯僊路迎三島雲衢駐雨

集作六

龍園林

看花塔坦蟬識余封山外聞肖管還如天上逢

晦日承恩讌永穆公主亭子賦得流字

前人

堂邑山林美朝思晦日遊園林含淑氣竹樹繞春流舞席千花

妓集作騎非

歌船五綵樓群歡與王澤歲七滿皇州

同望幸新亭賜前公宴

李燈

感夢通玄化覃恩降紫宸賜錢開漢府分帛醉堯人地隔朝宗

慶亭臨卜洛新行看廣雲雨二月次東巡

園

同二相已下群官樂遊園宴

一作宴樂遊園

唐玄宗

選

集作撰

日巖廊暇霑雲宴樂初萬方朝玉帛千品會簪裾地入

南山近城分北斗余池塘垂柳蜜厚野雜

集作隱野

花踈帝幕看逾

暗歌鍾听自虛輿闌歸騎轉還奉弼違書

自唐玄宗詩至趙東璫共九首並見張說集

奉和恩賜樂遊園宴應制

張說

漢宛家遊地軒庭近侍臣共持榮幸日來賞艷陽春饌玉頌王籥  
撥金下帝鈞池臺草色遍宮觀柳條新花緩光連榻朱顏暢飲  
醇聖朝多樂事天意每隨人

同前

宋璟



侍飲終酺會承恩續勝遊戴天唯慶幸選地即殊尤北曲集作

祗双闕南臨賞一丘曲江新溜緩集作上苑雜花稠集作豐集作韶玄

屢集作幾集作七集作賁帛周醉歸填吟頰榮耀接軒裘

同前

樂遊光天選酺飲慶天從座密千官盛場開百戲容綠滕際山  
盡緹幕倚雲重高下花齊發周迴柳遍濃奪晴紛劔履喧听雜

歌鍾日曉御恩散堯人併可封

同前

崔巧

五日酺初蹕千年樂未央復承天所錫終宴國之陽地勝春逾

好息深樂更張落花飛廣座垂柳拂瑤集作觴庶尹陪三史集作

吏諸侯具万方酒酣拈躍歌舞詠詩康

同前

張九齡

宝筐遙錫集作後又作厚命供帳序群公形勝宜春接威儀集作儀文連禮

同晞陽人似露解愠物從風朝慶千齡始年華二月中輝光變

集作草木和氣發絲桐歲集作七長集作無事徒集作知樂九功

同前

五酺終宴樂集作三錫又歡娛僊阜崇高異神州眺覽殊南山臨

皓雪北闕對明珠宰座駕鴻滿倡集作庭駟馬趨綺羅含草樹

絲竹吐郊衢御杯不能罷歌舞恣唐虞

同前

王翰

未極人心暢何知帝道明仍嫌酺宴促復寵樂遊行陸海披珍

藏天河望斗城四關青靄合數處白雲生飴餽調元氣歌鍾溢

雅聲空慙堯舜力至德杳難名

春日同前

崔尚



春日照長安皇恩寵庶官合餞乘罷宴

集作承罷飲

賜帛復

集作宴帛賜

追歡供帳憑高列城池入迴寬花摧相國飲鳥和樂人彈北闕

雲中見南山樹抄看樂遊宜締賞舞詠惜將闌

趙冬璣

同前

爽塏三秦地芳華二月初酺承奠壁罷宴是合餞余柳翠岳堪

結桃紅卷欵舒從容會死路迤曼戲尤魚喜氣通云物歡聲浹

集作來非

里間望會將報厚

集作聖恩將厚意

請迷記言書

幸宅

奉和幸常嗣立山莊侍宴應制

李嶠

南洛師臣契東巖王佐居幽情遺綬冕神眷屬樵漁制下峒山

蹕息迴灞水輿松門駐旌罕薜幄引簪裾石磴平黃陸煙樓半

紫虛云霞仙路近琴酒倍塵踈喬木千齡外懸流百丈余崔深

經鍊藥穴右舊藏書樹宿搏風鳥池游縱壑魚寧知天子貴尚

意武侯廬

同前

李乂

集作本

樞夜調梅暇林園藝槿初入朝榮劔履退食偶琴書地隱東巖

室天迴北斗車旌門臨窻窳輦道屬扶踈云罕明丹谷霜笳徹

紫虛水疑投石處磳似鈞璜餘帝澤頒卮酒人飲頌里間一承

黃竹詠長奉白茅居

同前

沈佺期

台階好赤松別業對青峯茅室成

一作承

三崔花源接九重龍其

榮秀木鳳輦拂踈筇迳狹千官擁溪長萬騎容水堂開禹膽

疑

山閣獻堯鍾皇鑒清居遠天文膏獎濃巖泉他日夢漁釣往年

逢共榮丞相府偏降逸人封



同前

武平一

三光迴斗極萬騎肅鈎陳地若遊汾水畋疑歷渭濱圓塘水寫  
鏡暹樹雪成春絃奏魚听曲機忘鳥狎人築巖思感夢磻石想  
垂綸落景搵紅壁曾陰結翠筠素風紛可尚玄澤藹無垠薄暮  
清茄動天文煥紫宸

同前

趙彥昭

賢侯唯顛里儒門但署卿何如表巖洞宸翰發輝光地在茲山  
曲家隣郤水陽六龍駐旌罕四牡耀旂常北斗臨台座東山入  
廟堂天高羽翼近主聖股肱良野竹池亭氣村花澗谷香縱然  
懷豹隱空愧躡死行

同前

徐彥伯

昇臣休瀚隙方外結遙心別業青霞境孤潭碧樹林每持東野  
策遙弄北溪琴帝幸紆時豫台園賞歲陰移奎明月沼張俎白  
雲岑御酒瑤觥落僊壇竹徑深三光懸聖藻五等冠朝簪目愧  
承恩盛咸言獨在今

同前

劉憲

東山有謝安枉道降鳴銜緹騎紛初日霓旌度曉寒云蹕巖間  
下虹橋澗底盤幽棲俄以留聖獨宛余歡崖懸飛溜直岸轉緣  
潭寬桂華堯酒泛松響舜琴彈明主息斯極賢臣節更殫不才  
叨侍從詠德以儒翰

同前

崔湜

丞相登前府尚書啓旧林式間明主睿榮族聖嬪心川狹旌門抵  
巖高敵帳臨閑牕憑柳暗小徑入松深云卷千峯色泉和万籟  
吟蘭迎天文珮竹礙侍臣簪宸翰三光燭朝榮四海欽還嗟絕



機叟首漢川陰

同前

張說

寒灰飛玉瑄湯井駐金輿既得方明相還

居懸

流泉集作

珠貫下列嶂鏡屏野遠林逾密笳煩

集作繁

虛門

旗檠複磴殿幕裏通渠舞鳳隨公主彫龍起媿好地函天賞洽

酒樂御筵初菲才叨侍從連藻媿應徐

同前

蘇頲

縱今寒野霽步玉曉山幽帝幄期松子臣廬問葛候百工徵往

夢七聖扈來遊斗柄乘時轉台階捧日留樹重巖籟合泉迸水

光浮右徑喧朝履璜溪擁釣舟思如犯星夜歡比濟河狄不學

堯年隱空徵

集作傲

許由

上又製七言絕句侍臣皆和

李嶠

萬騎千官擁帝車八龍三鳥訪僊家鳳凰原上窺青壁鸚鵡否

中弄紫霞

同前

劉憲

非吏非隱晉尚書一丘一壑降乘輿天藻緣情兩曜合山危獻

壽万年余

同前

趙彥昭

廊廟心存巖壑中奎輿矚在灞城東逍遙自有蒙莊子漢主徒

言河上公

同前

武平一

鳴銜奔下種樓羽蓋逍遙向一丘漢日唯聞白衣寵唐年更

覩赤松遊

同前

崔湜



竹逕桃源本出塵松軒茅棟別驚新御蹕何須林下駐山公不  
是俗中人

同前

沈佺期

集無

東山朝日翠屏開北闕晴空綵仗來喜遇天文七曜動少微今夜  
近三台

同前

李乂

曲榭迴廊繞澗幽飛泉噴水溢池流祗應感發明王夢遂得邀

迎聖主

集作  
帝遊

同前

張說

西上相出扶陽東郊別業好池塘自非仁智符天賞安能日月  
共迴光

同前

蘇頲

樹色參差隱翠微泉流百丈向空飛傳聞此處投竿地遂使茲  
辰扈蹕歸

奉和幸禮部尚書豆希玠宅應制

劉憲

北斗樞機任西京肺腑新疇昔王門下今茲制幸聖恩光山水  
被聖作管絃新逸座薰紅藥當軒暗綠筠摘荷纔早夏听鳥尚  
余春行漏金徒晚風煙起觀津

同前

李乂

家住千門側亭臨二水傍貴遊開北第宸眷幸西曳履迎中谷  
鳴絲出後堂浦疑觀万象集作  
物峯似駐三光草向瓊筵樂花承  
繡帟香聖情思旧重集作  
里留飲賦雕章

同前

沈佺期

北闕垂旒暇南宮听履迴天臨祥鳳轉恩向躍龍開蘭氣承僊



帳榴花引御林水從金穴吐云是玉衣來池影搖歌席林香散  
舞臺不知行漏晚清蹕尚徘徊

同前

蘇頲

尚書列侯第外戚近臣家飛棟臨青綺迴輿轉翠華日交當戶  
樹泉漾滿池花圓頂圖嵩石方流擁魏沙豫遊今听履侍從昔  
鳴笳自有天文降無勞訪海查

幸上官昭蜜院山亭獻詩四首

鄭愔

地軸樓居遠天台闕路賒何如遊帝宅卽此對三家座拂金壺  
電池槎玉酒霞無勞秦漢隔別訪武陵花

二

堯茨姑射近漢苑建章連十五冀知月三千桃記年鳶歌隨風  
吹歡舞向鷓絃更覓瓊妃伴來過玉醴泉

三

宮掖賢才重山林高尚難不言辭輦地更有結廬飲池棟清温  
煥巖窓起沍寒幽庭有仙桂聖主乃春看

四

槎流天上轉茅宇禁中間河鵲墳橋至山熊避檻來庭花採藁  
薦巖石步莓苔願奉蘿菑泰長開錦翰裁

過大哥宅探得歌字

唐玄宗

附見張說集

魯衛情先重親賢愛轉多冕旒豐暇日乘景暫經過戚里申高  
宴平臺奏雅歌復尋爲善樂方驗保山河

奉和過寧王宅應制

張說

見集本

進酒忘憂觀簫韶喜降尋帝堯敦族禮王季友凡心竹苑龍鳴  
笛梧宮鳳繞林大風將小雅一字盡千金



同王真公主過大哥山池

唐玄宗

附見張說集

地有昭

一作招

賢處人傳樂善名鶩池臨九達龍岫對重城桂月

先秋冷蘋風向晚清鳳樓遙可見髣髴玉簫聲

奉和同王真公主過大哥山池應制

張說

見集本

綠竹初成苑丹砂欵化金乘龍與驂鳳歌吹滿山林爽氣凝情

迴寒光映浦深忘憂頭此觀為樂賞同心

文苑英華第一百七十五

登仕郎胡

柯

鄉貢進士彭

叔夏

校正

文苑英華卷第一百七十六

詩二十六

應制九

昆明池七首

興慶池八首

降慶池一首

公主林亭四十一首

送公主十七首

昆明池

奉和晦日幸昆明池應制

沈佺期

見初學記

池駕乘春轉神池象漢迴雙星遺舊石孤月隔殘灰戰蠲逢時

去息魚望幸來岸花緹綺繞堤柳幔中開思逸橫汾唱飲流

宴鎬杯微臣彫朽質羞覩豫章才

同前

宋之問

見雜詠

春豫靈池近滄波帳殿開舟峻石鯨度杳拂斗牛迴節晦真全

落春池柳暗催象溟

一作渥

看浴景燒劫辨沉灰鎬飲

一作在鎬

周文

樂汾歌

一作橫汾

漢武材不愁明月盡自有夜昧來



同前

李义

王輅尋金賞金堤重晦遊川通黑水浸池派紫泉流冕耶扶桑出繇  
聯樹杞周鳥疑煙海處人似隔河秋劫盡灰猶識年移石故留  
汀洲歸棹晚簫鼓雜汾集作  
行謳

同前

蘇邈

炎曆事邊垂集作  
陸昆明始鑿池豫遊光後聖征戰罷前規霽色  
清珍宇年芳入錦陂御杯蘭薦葉仙仗柳交枝三石汾河寫双  
珠代月移微臣比翔泳思廣自無涯

昆明池侍宴應制

沈佺期

武帝伐昆明穿池集五兵水同河漢在館有豫章名我后光天  
德垂衣文教成黷兵非帝命勞物豈皇情春豫過鯨沼雲旗出  
鳳城靈魚銜寶躍仙女廢機迎柳拂旗門暗蘭依帳殿生還如

沙疑水曲日晚棹歌清

賜宴昆明池應制

張喜貞

靈沼初開漢神池舊俗疑堯昔八徒習武明代此聞韶地脉山  
川勝天恩雨露饒時光率利舸春淑覆柔條芳醞醒千日華牋  
落九霄幸承歡賡重不覓醉歸遙

恩制尚書省寮宴昆明池同用堯字蘇邈

露渥灑雲霄天官次斗杓昆明四十里空水極晴朝鴈似御紅  
葉鯨疑噴海潮翠山來徹底白日迴去標泳廣漁杖溢浮深妓  
舫搯飽思皆醉止合舞共歌堯

興慶池

興慶池侍宴應制

夾道傳呼翊翠虬天迴日轉御芳洲清潭曉靄籠仙躡紅嶼晴



花隔絲旒香溢金林環廣座聲搖妓舸匣中流群臣相慶喜魚  
樂共晒橫汾歌吹秋

同前

李適

拂霧金輿丹旆轉凌晨籥帳碧池開南山倒影從言疑落北闕  
搥花馮溜迴急漿爭標排苻渡輕帆載浦觸荷來橫汾宴鎬飲  
無極歌舞年七聖壽杯

同前

武平一

鑾輿羽駕直城隈帳殿旌門此地開皎潔靈潭圖日月參差畫  
舸結樓臺波搖岸影隨橈轉風送荷香入酒來願奉聖情歡不  
極長遊春漢幾昭回

同前

劉憲

蒼龍闕下天泉池軒駕來遊簫管吹綠澁夏條嬰不散冒水新  
荷卷復披帳殿疑從畫裏出樓船直在鏡中移自然東海神仙  
處何用西崑轍迹疲

同前

集作隆慶池侍宴

蘇頲

降鶴池前迴步輦栖鸞樹抄出行宮山光積翠遙相集作逼水  
熊含情集作近若空初云山光逼嶼疑無地水態迎帆若有風  
故復存焉但末句又押起直視天河垂象外俯窺京室畫圖中

同前

沈佺期

碧水澄潭映遠空紫雲香輦微風漢家城闕疑天上秦地山川  
似鏡中向浦迴舟萍已綠分林蒹葭初紅古來徒秦橫汾賞  
今日宣遊聖藻雄

同前

常元旦



滄池漭沆帝城邊殊勝昆明鑿漢年夾岸旌旗踞輦道中塘簫  
鼓振樓船雲峯四起迎宸幄水樹千重入御筵宴樂已深魚藻  
詠承恩更欲奏甘泉

同前

李义

神池汎濫水盈科仙躡紆餘步輦過縱棹洄沿洋溜合開軒眺  
賞麥風和潭魚在藻欣游泳谷鳥合櫻入賦歌寄謝乘槎溟海  
客匝疑頭來此問天河

降慶池

侍宴降慶池應制

張說

靈池月滿直城隈繭帳天臨御路開東沼初暘疑吐出南山曉  
翠若浮來魚龍百戲紛容與鳧鷖雙舟較泝洄願以集作似金堤  
青草馥長承瑤水白雲杯

公主林亭

侍宴安樂公主新宅應制

宗楚客

星橋他日構仙榜此時開馬向鋪錢埒簫聞弄玉臺人疑衛叔  
美客有一作是馬卿才昔問遊天漢誰能帶石迴

同前

趙彦昭

雲物中京曉天人外館開飛橋像河漢懸榜學蓬萊北闕臨仙  
檻南山逼壽杯一窺輪奐畢更恐棟梁材

同前

武平一

紫漢秦樓敞黃山魯館開簪裾分上席歌舞列平臺馬既如龍  
至人疑學鳳來幸忻聯棣萼何以接鄒枝

侍宴安樂公主山莊應制

李嶠

黃金瑞榜絳河隈白玉仙輿紫府來碧樹青岑雲外聳朱樓畫



閣水前開龍舟下  
瞰鮫人室羽節高臨鳳文臺  
遽惜歡娛歌吹晚  
揮戈却使耀靈迴

同前

趙彥昭

六龍齊軫御朝曦  
雙鷁維舟下淶池  
飛觀仰看雲外聳  
浮橋直見海中移  
靈泉巧鑿天孫渚  
孝笋能抽帝女枝  
幸願一生同草樹  
年七歲七樂於斯

同前

宗楚客

玉樓銀榜枕麗巖  
城翠蓋紅旗列禁營  
日映層巖圖畫色  
風搖雜樹管絃聲  
水邊重閣含飛動  
雲裏孤峯類削成  
幸陪七萃遊崑閬  
無勞萬里訪蓬瀛

同前

盧藏用

皇女瓊臺天漢濶  
星橋月宇構山林  
飛蘿半拂銀題影  
瀑布環流玉砌陰  
菊蒲香隨纓鷁泛  
簫笙韻逐鳳凰吟  
瑤池駐蹕息方久  
璧月無文興轉深

同前

蘇頲

駸々羽騎歷城池  
帝女樓臺向曉披  
霧灑旌旗雲外出  
風迴巖岫雨中移  
當軒半落天何水  
繞逕全低月樹枝  
簫鼓宸遊陪宴日  
和鳴雙鳳喜來儀

山窓遊玉女澗戶對瓊峯  
巖頂翻雙鳳潭心倒九龍  
酒中浮竹葉杯上瀉芙蓉  
故驗山家賞唯有入風松

奉和初春幸太平公主南莊應制 李嶠

主家山第接雲開  
天子春遊動地來  
羽騎參差花外轉  
電旌遙颺日邊迴  
還將石溜調琴曲  
更取峯霞入酒杯  
鳶輅已辭烏鵲渚  
簫聲猶繞鳳凰臺



同前

蘇頲

主家山第早春歸御輦春遊繞翠微買地鋪金曾集作作埒尋

何取石舊支機雲澗樹色千花滿竹上泉聲百道飛自有神仙

鳴鳳曲併持歌舞報恩暉

同前

沈佺期

主第山門起灞川宸遊景風入初年鳳凰樓下伏天交鳥鵲橋

頭一作敵御遊往往花間逢綵石時時竹裏見虹泉今朝扈蹕

平陽館不羨乘槎雲漢邊

同前

宋之問

青門路接鳳凰臺素澹宸遊龍騎來澗草自迎香輦合巖花應

待銜筵開文移北斗成天象酒近南山作壽杯此日侍臣將石

去共歡明主賜一作金迴

同前

李乂

平陽館有外仙家沁水園中好物華地出東郊迴日御城臨南

斗度雲車風泉韻逸集作幽林竹雨霰飛初學記搖雜樹花已

慶時來千億受還言日暮九重賒

同前

常嗣立

主第嚴扃架鵲橋天門閭闔降鳶鏡歷亂旌旗轉云樹參差臺

榭入煙霄林間花雜平陽舞谷裏鷺和弄玉簫已陪沁水追歡

日行奉茨山訪道朝

同前

宋邕

傳聞銀漢石支機復見金輿出紫微識女橋邊鳥鵲起仙人樓

上鳳凰飛流風入座飄歌扇瀑水侵階濺舞衣今日還同犯牛

斗乘槎共逐海潮歸



同前

邵昇

沁園佳麗奪蓬瀛翠碧紅泉繞上京二聖忽從鸞殿幸雙仙正  
下鳳樓迎花含步輦空聞出樹雜帷宮畫裏成無路乘槎窺漢  
渚徒知訪卜就君平

過太平公主山亭侍宴應制 張昌宗

淮南有小山羸女隱其間折桂芙蓉浦吹簫明月灣扇掩將  
曲釵承隨馬鬢歡情本無限莫掩洛陽關

宴長樂公主宅應制 長樂 集作安樂 宋之問

英藩築外館愛主出公宮賓至星槎落仙來月宇空玳梁翻賀  
鸞金埒倚晴虹簫奏秦樓裏書開魯壁中短歌能駐日豔舞欲  
嬌風聞有淹留處山河滿桂叢

送公主

奉和送金城公主適西蕃應制 李嶠

漢帝撫戎臣絲言命錦輪還將弄機女遠嫁識皮人曲怨關山  
月粧消道路塵所槎穠李樹空對小榆春

同前 崔湜

懷戎前冊備降女旧姻修蕭鼓辭家怨旌旗出塞愁尚孩中念  
切方遠御慈流雀乏謀臣用仍勞聖主憂

同前 劉憲

外館踰河右行營指路岐和親悲遠嫁忍愛泣將離旌旆羗風  
引軒車漢水隨那堪馬上曲時向管中吹

同前 張說

同前 蕭至忠

西郊窈窕鳳凰臺北渚平明法駕來匝地金聲初度曲周堂玉



溜好傳杯灣路分遊畫舟轉巖間相向碧亭開微臣此時承宴  
樂髣髴疑尋星漢迴

同前

岑義

銀榜重樓出霧開金輿步輦向天來泉聲迴入吹簫曲山勢遙  
臨萬歲杯帝女含笑流飛電乾文動象色昭回誠願北極惟日  
微臣抃舞詠康哉

同前

集作興慶寺  
侍宴應制

李乂

金輿王輦背三條水閣山樓望九霄野外初迷七聖道何邊忽  
覩二靈橋懸冰滴匕依虬箭清吹冷匕雜鳳簫向晚平陽歌舞  
合前溪更轉木蘭橈

同前

馬懷素

主家臺沼勝平陽帝幸歡娛樂未央掩映瑤窓文極浦參差繡

戶曉

疑

迴塘泉聲百處歌傳曲樹影千重舞對行聖酒一霑何

以報唯祈頌德奉時康

同前

韋元旦

銀河南浦帝城隅帝輦平明出九衢刻鳳磻螭凌桂邸穿池構  
石寫蓬壺瓊簫暫下鈞天樂綺綴長懸明月珠仙榜承恩爭既  
醉方知朝野更歡娛

同前

李迴秀

詰旦重門間警蹕傳言太主奏山林是日迴輿羅百騎此時歡  
甚賜千金鷺羽鳳蕭參樂曲荻疑作荻園竹徑接帷陰手舞足蹈  
方無極年匕歲奉薰琴

同前

李適

平陽金榜鳳凰樓沁水銀河鸚鵡洲絲仗遙尋丹壑裏仙與暫



幸綠亭幽前池錦石蓮花豔後領香鑪桂藥秋貴主稱觴萬年  
壽還輕漢武濟汾遊

同前

薛稷

主家園宇

一作樓

極新規帝郊遊豫奉天儀歡宴搖臺鎬京集賞

賜銅山蜀道移曲閣交映金精板飛花亂下珊瑚枝借問今朝  
八龍駕何如昔日指仙池

同前

沈佺期

皇家貴主好神仙別業初開雲漢邊出山盡如鳴鳳嶺池成不  
讓飲龍川粧樓翠幌教春住舞閣金鋪昔日懸敬從乘輿來此  
池稱觴獻壽樂釣天

同前

劉憲

主家別墅帝城隈無勞海上覓蓬萊杏嶂懸流平地起危樓曲

閣半天開庭莎作薦舞行出浦樹相嶂歌掉迴此日風光與形  
勝祗言併伴聖詞來

侍宴長寧公主東莊應制

李嶠

見初學記

別業臨青甸鳴鑿降紫霄長鴛鴦集仙管鳳凰調樹接南山近  
煙含北渚遙承恩咸已醉戀賞未還鑣

同前

崔湜

心園東郭外襄

一作臺

駕一遊盤水榭宜時陟山樓向晚看席臨

天女貴杯接近臣歡聖藻懸辰象微臣竊仰觀

同前

李適

鳳樓紆睿幸龍舸暢宸襟歌舞平陽第園亭沁水林山花添聖  
酒澗竹繞薰琴願奉瑤池駕千春侍德音

同前

鄭愔



公門襲漢環主第稱秦王池架祥鱸序山吹鳴鳳曲拂席羅薛  
岳迴丹菱荷觸平陽妙舞處日暮清歌續

同前

劉憲

公主林園池清晨降玉輿畫橋飛渡水仙閣湧臨虛晴新看蛺  
蝶夏早摘美蕖文酒娛遊盛忻切侍從餘

同前

李义

紫禁乘雷集作霄動青門訪水嬉貴台鱸序集初學記作上台鱸序慶仙文

鳳樓期合宴簪紳滿承恩雨露滋北辰還捧日東館集作觀幸逢

時

遊長寧公主林亭應制六有序不錄上官昭容

玉還騰遠構金埒荷殊榮弗玩珠璣飾仍留仁智聲鑿山便作  
室憑樹既為楹公輸與班爾從此逐韶聲

二

登山一長望正遇九春初結駟填街術閭闔滿邑居闢雪梅先  
吐驚風柳未舒直愁一作殘斜日落不畏酒樽虛

三

零晚氣清和披襟賞薜蘿玳瑁疑雲色琉璃漾水波跋石聊長  
嘯攀松乍短歌除非物外者誰就此經過

四

暫爾遊山第淹留惜未歸霞窓明月滿澗戶自雲飛書引藤爲  
架人將薜作衣此真攀桂所臨睨賞光輝

五

放曠出煙雲蕭條不自群漱流清意府鴈几避囂氛石畫裝苔  
色風梭織水文山室何爲貴唯餘蘭桂薰



策仗臨霞岫危步下霜谿志逐深山靜途隨曲澗迷漸竟心神  
逸俄看雲霧低莫恠人題樹祗為賞幽棲

同公主遊九龍潭 唐則天武后

青海和親日潢星出降時戎王子婿寵漢國旧家慈春野開離

宴雲天地別詞空彈馬上曲詎減鳳樓思 集作悲

同前 薛稷

天道能殊倍深行戢兵懷荒寄赤子忍愛鞠蒼生月下瓊娥去

星分室婺行關山馬上曲相送不勝情

同前 閔朝隱

甥舅同 初學記 親地君臣厚帝 初學記 鄉還將貴公主嫁與偁

檀郎鹵簿山川間 初學記 琵琶道路長迴瞻父母國日出在東

方

同前 蘇邈

帝女出天津和戎轉蜀輪川經斷腸望地析支隣奏曲風嘶馬

御悲月伴人旋知偃兵革長是漢家親

同前 帝元旦

柔遠安堯俗和親重漢年軍容旌節送國命錦車傳琴曲悲千

里簫聲恋九天唯應西海月來就掌珠圓

同前 徐堅

星漢下天孫車服降珠蕃匣中詞易切馬上曲虛繁關塞移朱

額風塵闈軒簫聲去日逐萬里望河源

同前 崔日用

聖后至倫遠謀臣計畫多受降追漢策築館許戎和俗化鳥孫



壘春生積石河六龍今出餞雙鶴願為歌

同前

鄧惜

下嫁戎庭遠和親漢禮優笳聲出虜塞肖曲背秦樓貴主悲黃  
鶴征人怨紫駟皇情眷億兆割念俯懷柔

同前

李適

絳河從遠聘青海赴和親月作臨邊曉花為度鳥春主歌悲雁  
鶴帝策重安人獨有瓊簫去悠悠思錦輪

同前

馬懷柔

帝子今何去重姻適異方離情愴宸掖別路遠關梁望絕園中

柳悲纏陌水桑空余怨

一作願

黃鶴

西城傳公主歌曰願為黃鶴兮歸故鄉

東雇憶

迴翔

同前

武平一

廣化三邊靜通姻四海安還將膝下愛持副域中歡聖念飛玄  
藻仙儀下白蘭日斜征蓋沒歸騎動鳴銜

同前

徐彥伯

鳳哀憐簫曲寫閨念掌珍虜

一作漢

庭遙築館漢

一作廟

策重和親

星轉銀

一作天

河夕花移玉

一作海

樹春聖心悽遠近

一作送遠

留蹕望

征一作行塵

一作皆初學記

同前

唐遠愬

皇恩睠下人割愛遠和親少女風遊兌姮鵝月去秦龍笛迎金榜  
驪歌送錦輪那堪桃李色移向虜庭春

同前

沈佺期

金榜扶丹掖銀河屬紫閣那堪將鳳女還似嫁烏孫王就歌中  
怨珠辭掌上恩西戎非我匹明主至公存



文苑英華卷第一百七十六

登仕郎胡柯鄉貢進士彭叔夏校正

文苑英華卷第一百七十七

詩二十七

應制十送餞

中書侍郎來濟二首

幸望春宮送朔方軍大總管張奩六首

送沙門弘景等還荊州二首

送張說巡邊二十二首

送崔日知往路州二首

送錢王峻巡邊二首

送宇文融安輯戶口一首

送李邕之任滑臺一首

送新除岳牧一首

送十道採訪使及朝集使二首



送李尚書入蜀一首

送不蒙都護兼鴻臚卿歸安西一首

餞中書侍郎來濟

唐太宗

曖曖去塵昏，灞岸飛飛輕。蓋指河梁雲，峯依結千重。葉雪岫花開，幾樹霜初學記深悲黃鶴孤舟遠，獨嘆青山別路長。聊將分袂沾襟淚，還用離添持席觴。

奉和餞來濟應詔

許敬宗

萬乘騰鑿警岐路，百壺供帳餞離宮。御溝分水聲難絕，廣宴當歌曲易終。興言共觴千里道，俯迹聊示五情同。良哉既深留帝念，沃化方有贊天聰。

奉和幸望春宮送朔方軍大總管張奩 李嶠

王寒微疑驕子金符命，老臣三軍張。武旆萬乘餞，行輪猛氣陵。

玄朔崇恩降紫宸，投醪還約士辭第。本忘身露下鷹初，擊風高。匪款賓方銷塞北，侵還靜漢南塵。

同前

劉憲

命將擇耆年，菑金勝必全。光輝萬乘餞，威武二庭宣。中衢橫鼓角，曠野蔽旌旃。推食天厨至，投醪御酒傳。涼風過雁苑，殺氣下鷄田。分閫何極臨，岐動睿篇。

同前

李乂

邊郊草具腓，河塞有兵機。上宰調梅寄，元戎細柳威。武貔東道出，鷹隼心庭飛。玉匣謀中野，金輿下太微。投醪銜北餞，酌緝衮事征衣。勿謂公孫老，行聞獻凱歸。

同前

蘇頲

北風吹早雁，日又渡河飛。冷氣醪應折，霜明草正腓。老臣帷幄



筵元宰廟堂機飲酒回先蹕前卷作臨戎解御衣軍裝乘曉發

師律候春歸方佇勲庸盛天詞降紫微

同前

鄭愔

御蹕下都門軍麾出塞垣長楊誇虜騎細柳安戎軒  
睿曲風雲動邊威鼓吹喧坐帷將闔外俱是報明恩

同前

李適

地限驕南牧天臨餞北征解衣延寵命橫劍摠威名  
豹畧恭宸旨雄文動睿情坐觀膜拜入朝夕受降城

送沙門弘景道俊玄裝還荊州應制

李嶠

三乘歸淨域萬騎餞通莊就日離亭近彌天別路長  
荊州旋杖鉢渭北限津梁何日紆真果還來入帝鄉

同前

李义

初日承歸旨秋風起贈言漢珠留道味江壁返真源地  
出南關遠天回北斗尊寧知一柱觀却啓四禪門

送張說巡邊

有序不錄

唐玄宗

附見張說集

端拱復垂裳長懷御遠方股肱申教義戈劍靜要方  
命將綏邊服雄岳出廟堂三台入武帳八座起文昌  
寶胄庄朝集作主華宗輔漢王茂光慚博物平子謝文章  
盡節恢時佐輸誠禦寇場三軍臨朔野駟馬即戎行  
鼓吹威夷狄旌軒隘集作洛陽雲臺先着美今日更貽芳

將朔芳軍應制

張說

禮樂逢明主韶鈴用老臣恭憑神武策遠禦集作鬼方人供帳

榮恩饒山川喜誥巡天文日月送朝賦管絃新幼志傳三畧  
襄材謝

六鈞膽猶忠作屏集作心固集作道為隣漢保河南地胡清塞北

塵早集作年大軍後迹集作日小康辰劍舞輕離別歌忘苦



辛從來思博望許國不謀身

奉和聖製送張尚書巡邊

源軋曜

匈奴迹河朔漢地須

集作復

戎旅天子擇英才朝端出監撫流星

下閭闔室鉞專公輔礼物生光輝宸章

集作意

備思謝有征視

示予戟制勝唯尊俎彼美何壯哉桓桓檀斯舉聲華振臺閣功

德標文武奉國知命輕忘家以身許安人在勤恤保大殫襟腑

此外無異言同情報明主

以下十篇並附見張說集

同前

張嘉貞

天錫我宗盟元戎付夏卿多才兼將相必勇獨橫行經緯稱人

傑文章作代英山川看是陣草木想為兵不待河水合猶方塞

日明有謀當繫醜無戰且綏泯閩外傳

集作專

三畧雲中奠一平

感思心共集作共心盡帳別屢魂驚直視前掣旌遙聞後騎鳴還期

方定日復此出郊迎

同前

宋景

帝道薄存兵王師尚有征是閑司馬法爰命摠戎行畫

集作畫

間

崇威信分麾盛寵榮聚觀方結轍出祖遂傾城聖酒江河潤天

詞象緯明德風邊地偃勝氣朔雲中宰國推良器為軍挹美

集作

北聲至和常得體不戰即亡精以智全寧竭其徐海自清遲還

廟堂坐贈別故人情

同前

盧從愿

上將發文昌中軍靜朔方占旌引星節擇日拜壇塲禮樂臨岐

送威聲出塞揚安邊俟帷幄制勝在巖廊作鼓將軍氣投醪壯

士觴戒途遵六月離動三光槐路清梅暑蘇臯起

即作赴

麥涼時

文仰雄白耀武震遐荒衽席知無戰兵戈示不忘佇聞歌杖杜



凱入繫名王

同前

許景先

文武承邦式風雲感國損王師親賦政廟畧久論兵漢主知三  
傑周官統六鄉四方分閫受千里坐謀成介冑辭前殿壺觴宿  
左營賞延頒賜厚集作重宸贈出車榮龍武三軍氣魚鈴五校名  
郊雲駐旌明邊吹引金鉦訓集作捧旅方稱德安人更克貞佇觀  
銘石罷同聽凱歌聲

同前

韓休

一德光台象三軍賞集作掌夏卿來威申廟畧出摠叶師貞受鉞  
辭金殿憑集作凭軒出集作去昇城曙光搖組甲踈吹繞雲旌左律  
方先凱中擊卽訓兵定功張武事陳頌紀天聲祖宴初留賞宸  
章更寵行車徒零雨送林野夕陰生路極河流遠川長朔氣平

南轅遲返旆歸奏謁承明

同前

徐知仁

聖德膺三統皇威備集作被八埏大明均照物小醜未寧邊國相  
台衡重元戎廟畧宣紫泥方受命黃石乃推賢問罪陰山谷安  
人厲國前度關行照月乘障坐消煙北闕紆宸藻南橋列祖筵  
耀威當夏日殺氣止秋天鞞鼓龜鼉振旌旗鳥獸懸由來詞瀚  
首今見勒燕然

同前

崔羽錫

供帳何煌煌公其撫朔方群寮銜餞酌明主降離章闕塞重門  
下郊岐禁苑傍陳兵宜雨濯集作洗卧鼓候風涼炎景寧雲睥神  
謀肅所將旌搃天月迴騎入塞雲長赫赫皇威震油油聖澤滂  
非唯按車甲兼以正封疆叱咤陰山道澄清瀚海陽虜垣行決



勝台座佇為光

燕公為漢將武德奉文思

利用經戎奔美謀叶聖詒塞沙制長

策窮石捲搖旗萬里要相賀三邊又在茲

稜威方逐逐談咲坐

怡怡寵郊道克厨竭御司嘗醪企行邁

聽餞紛樂罷連而袞旒

岳翰墨纓旌迭賦詩金山無無積阻玉樹有華滋

請迨炎風暮

歸旌候此詩

紫盥尚書印朱駟丞相車登朝身許國出閫將

辭家不憚炎蒸

苦親嘗走迹賒選途軍有政

誓卒爾無諱帝樂風初起王

城日半斜寵行流聖作寅餞照台華騎歷河南樹

旌搖天北沙

榮懷應盡服嚴殺已先加業峻靈岐保功成道路

嗟寧如

鑿空使遠致石榴花

南庭胡運盡北斗將星飛旗鼓臨沙漠旌旃出路

曦関山逸王

塞烽火映金微爰獻帷謀策頻承廟勝威躡蹠臨河騎

逶迤度

隴西地脉平千古天声振九圍車馬生邊氣戈鋌駐

落暉夏近

非鑿空使遠致石榴花

崔泰之

南庭胡運盡北斗將星飛旗鼓臨沙漠旌旃出路曦関山逸王

塞烽火映金微爰獻帷謀策頻承廟勝威躡蹠臨河騎逶迤度

隴西地脉平千古天声振九圍車馬生邊氣戈鋌駐落暉夏近

蓬猶轉秋深草未腓餞送紆天什息榮賜御衣佇勒燕然頌鳴

騶計日歸

同前 王丘

德業蘊時宗函符夢象通台司計祈父師律惣元戎出入敦能

政謀猷体至公贈行光睿什宴別感宸衷文炳高天曜恩岳湛

露融建牙之塞表鳴鼓接雲中策密鬼神秘威成劔騎雄朔門

正炎月兵氣已秋風肅殺從此始方知胡運窮

諸篇十韻 此止九韻



同前

蘇晉

方漢比周年興王今在宣亟聞降虜拜復曙出軍集作篇析父

萬邦武美猷三畧傳策車申夏政菱舍起戎田嚴問盈集作胡

苑軍容濟洛川皇情帳閑旆詔餞列郊筵路接禁園草池分御

井蓮離聲軫去角居念斷歸蟬三捷豈云永七擒良信然具寮

有誠寄望凱秋風前以下十三篇並附載張說集

同前

王光庭

賢相得符克朝推文武雄海波先若鏡閑草預從風鉞助將軍

勇威成天子功瓊章九霄發錫宴五衢通玉輶龍盤帶金裝鳳

頸驄虎貌分凝凝河洛震熊熊戈劍千霜白旌旃集作萬火紅

示刑夷狄變流惠鬼神同寇息軍容掩塵銷朔野空用師敷禮

樂非是為獯戎

同前

袁暉

出師宣九命分闡用三台始應幕中匣言從天上來丹青不獨

任韜畧遂双該坐見威稜節彌彰事業恢旌旗曉雲集作送鞞

鼓朔風催虜氣銷殘月邊聲韻落梅羽書雄北地龍漢寢南埃

集作寵戰黃金盡輸戈集作白日迴離章宸輸發祖讎國門開

欲識思華盛平生文武材

同前

席豫

聖帝重兵權分麾屬大賢中軍仍執節集作丞相復巡邊翕習

戎裝動張皇廟畧宣朝容承脊札野餞轉行旃亭障東綠沙場北

際天春各見巖集作雪朝夕候烽烟已勒封山記集作猶聞

遣戍篇五營將月合八陣與雲連經絡集作圖方遠懷柔道更

全歸求畫麟閣藹藹武功傳



全謝表 同前

張九齡

宗臣事有征廟筭在休兵天與三台座人當萬里城朔南方偃  
華河右暫集作揚旌寵錫從仙禁光華出漢京山川勤遠畧原  
隄軫皇情為動薰琴唱仍題室劔名聞風六群勇計日五行戎  
平山甫歸應疾留戾功復成歌鍾可望枕席壇難行四壯何時  
入吾君憶履聲

同前

徐堅

至德無遐荒神兵赴朔方帝思元師重擇朋股肱良累相承開  
地深籌叶子方寄崇專斧鉞禮備設壇場鞞鼓喧雷電戈劍擅  
風霜四黃集作將戒道十乘起先行聖錫集作加恒數天文耀  
寵光出郊開帳飲寅餞盛離章雨濯林梅潤風秋野麥涼燕山  
應勒頌麟閣佇名揚

同前

崔日用

軒相推風后周官重夏鄉廟謀能允迪齟畧又縱橫吉日嗟  
集作黃馬宣王六月兵擬清鷄鹿塞先指朔方城列將懷威撫  
四集作匈奴畏盛名去當推轂送來佇出郊迎絕漠蓬將斷華遙  
榮壯心看舞劍別緒應懸旌膏錫承優旨乾文復寵行暫勞期  
永逸赫矣振天聲

同前

賀知章

荒景盡懷忠梯航已自通九攻雖不戰五月尚持戎遣戍徵周  
牒恢邊垂漢功撰車命元宰授律耿文雄胃出天胡上謀成帝  
幅中詔旂分夏物專寄錫唐弓帳宿伊川集作右鉦傳集作晉  
苑東饗人籍賁實樂正理絲桐岐陌涵餘雨離川照晚集作虹  
恭聞詠方叔千載舞皇風

賜日知往潞州

唐玄宗



路國開新府壺閔寵舊林

集作

妙旌循吏德持

集作

悅庶吐心

禮樂中朝貴仁明列郡欽陽風非贈翦易俗是張琴藩鎮謳謠

滿

集作

行宮雨露深會書丞相策先賜潁州金

奉和賜崔日知往潞州應制 張說

聖情留曩鎮佳氣翊與王增戟雄都府高車轉太常川橫八諫  
關山帶五龍長連帥初恩命天恩舊紀綱餞途飛御藻闔境自  
生光明主徵循吏何年下鳳凰

餞王峻巡邊

唐玄宗

振武威荒服楊文肅遠墟金壇申將禮王節授軍符免胄三方  
外銜刀萬里餘昔時吳會靜今日虜庭虛分閫仍推轂授桴且  
訓車風颺旌旆遠雨洗甲兵初坐見台階謚行聞袂袂除檄來  
雖挿羽箭去亦飛書舟揖功斯著鹽梅望匪錄不應陳七德歆

使化先敷

奉和餞王峻巡邊應制

張說

六月歌周雅三邊諗夏卿欵施攻戰法先作簡稽行礼樂知謀  
帥春秋識用兵一勞堪定國萬里即長城策有和戎利威傳破  
虜名軍前雨洒道樓上月臨營別藻瑤華降同衣錦裸榮闕山  
由義近戈甲爲息輕絲竹路傍散風雲馬上生朝廷謂吉甫邦  
國望君平

奉和送宇文融安輯戶口應制 前人

至德臨天下勞情遍九圍念茲人去本蓬轉將何依  
逃避征戎數內傷親黨稀嗟不逢明盛胡能照  
隱微栢臺簡行李蘭殿錫朝衣別曲動秋風  
思令生春輝使出四集作海波詔下萬心歸  
怍無夔龍佐徒歌鴻鴈飛



送李邕之任滑臺

唐玄宗

漢家重東郡宛彼白馬津黎庶既蕃殖臨之勞舊臣遠別初首  
路今行方及春課不成應第一良牧爾當仁

奉和制漕橋東送新除岳牧 蘇頲

寶賢不遺俊臺盡鴛鴦末若調人切其如簡帝難閣上才膺出  
典中旨念分官特以專城貴深惟列郡安政行思務本風靡厲  
勝殘有令田知急無紛獄在寬至言題脊札殊涵洒仙翰詔餞  
三台降朝榮萬國歡舉盃臨水發張樂擁橋觀試佇東風會鏘  
鏘簡玉壇

奉和聖製送十道採訪使及朝集使 張九齡

三年一上計萬國河洛趨課罪力已陳賞延恩復博垂衣深共  
理改瑟期咸若首路回竹符分鑣楊本鐸戒程有攸往詔餞無

掩洎昭晰動天文殷勤在人虞侍集作持又聖念茲克終朝所託

行矣當自強春耕庶秋獲

奉和御製暮春送朝集使歸郡一作都非王維見集本

萬國仰宗周衣冠拜冕旒玉乘迎大客金節送諸候祖席傾三  
省褰帷向九州楊花飛上路槐色蔭通溝來預鈞天樂歸分漢  
主夏宸章類河漢垂象滿中州

奉和聖製送李尚書入蜀 張九齡

眷言感忠義何有間山川徇節今如此離情空復然皇心在勤  
恤德澤委昭宣周月成功已集作後明年或勞旋

奉和聖製送不蒙都護兼鴻臚卿歸安西 王維

上卿增命服都護揚歸旆雜虜盡朝周諸胡皆自鄆鳴笳瀚海  
曲按節陽關外落日下河源寒山盡秋塞萬方氛稔息六合乾







瑞塔千尋起仙輿九日來奠房陳室席菊盞散花臺御氣鵬霄

迴雜詠作近升高鳳野開天歌將梵樂空裏共徘徊

同前 趙彥昭

出豫一作御乘嘉節憑高陟一作嵩出梵宮皇心滿塵界佛迹見虛

空日月宜長壽天人一作天得大通喜聞題寶偈受記莫由同一作

背雜詠 同前 鄭愔 見雜詠

湧霄開化塔倒影駐仙輿馬子成堂處龍王起藏初秋風聖主

曲佳氣史官書願獻重陽壽承歡萬歲餘 劉憲

同前

飛塔雲一作香霄半清晨羽旆遊一作仙鑣登高一作臨憑季月

遠近一作寥廓見中州御酒新寒退天文瑞景留一作室却將邪介

福一作壽獻 茲日奉千秋 一作皆雜詠

同前 李义

踴塔臨玄地高層瞰紫薇鳴鳶雜詠作壺陪帝出攀撩翊天飛慶洽

重壽文含列象輝小臣叨載筆無以雜詠作吹此頌巍巍

同前 宋之問 見雜詠

鳳刹尋雲半虹旌倚日邊散花多宝塔張樂布金田時菊芳仙

醞秋蘭動脊篇香街稍晚清蹕歸天

同前 姨好上官氏 雜詠作崔湜

帝里重陽節香園萬乘時來却邪萸結珮獻壽菊傳盃塔類承

天湧門疑待佛開睿詞懸日月長得御雜詠作仰昭回

閏九月九日幸摠持寺登浮菴應制 李嶠

閏節開重九真遊下大千花寒仍薦菊座晚更披蓮刹風回雕



輦幡橫間綵旒還將西梵曲助入南薰絃

同前

集作詠和聖制開九月九日登裝嚴摠持二寺閣

宋之問

閏月再重陽仙輿歷宝坊帝歌雲稍白御酒菊尤黃風鐸喧行漏天花拂舞行豫遊多景福梵宇自先光

同前

劉憲

見雜詠

重陽登閏序上界叶時巡駐輦烟花落開逞妓樂陳城東刹柱見雲表露盤新臨睨光輝滿飛文動脊神

同前

李乂

見集本

清蹕幸禪樓前驅歷御溝還疑九日豫更想六年遊聖藻輝瓔珞仙花綴冕旒所欣延億載寧祗慶重秋

奉和幸三會寺應制

寺傳云峇頌造書臺

李嶠

故臺蒼頡里新邑紫泉居歲在開金寺時來降玉輿龍形雖起

刹鳥迹尚留書竹是蒸青外池仍点黑餘天文光聖草宝思合

真如謬奉千齡日忻陪十地初

同前

鄭愔

鳥籀遺新閣龍旗訪古臺造書陳頡往觀藉帝羲來眷覽山川匝宸心宇宙該梵音隨駐輦天步接乘杯舊苑經寒露殘池問劫灰散花將捧日俱喜聖詞開

同前

劉憲

岩堯倉吏臺朗敞紺雲開戒旦壺人警翻霜羽騎來下輦登三襲褰旒望九垓林披館陶榜水浸昆明灰網戶飛花綴幡竿度鳥迴豫仙唱動蕭洒出塵埃

同前

李乂

眷德惣無邊神臯擇勝緣三儀齊法駕三會礼香煙漢闕中黃



近秦山太白連臺疑觀鳥日池似刻鯨年滿月臨真鏡秋風入  
御絃小臣叨下列持管謬窺天

同前

宋之問

六龍回玉輦雙樹謁金仙瑞鳥呈真字神龍吐玉泉淨心蓮證  
課眷想獨超禪塔踴香花地山圍日月天梵音迎雨徹空樂倚  
雲懸今日登仁壽長看法鏡圓

同前

婁好上官氏

釋子談經處軒臣刻字留故臺遺老識殘簡聖皇求駐蹕懷千  
古開禁望九州四山緣塞合二水夾城流宸翰陪瞻仰天盃接  
獻酬太平詞藻盛長願紀鴻休

奉和幸大薦福寺

寺即中宗舊宅

李嶠

應詔開香域鸚一作嬰林降綵旃還窺一作窺鳳宇更坐躍龍股桂嶼

朝群辟蘭宮列四禪半宮銀閣斷分砌室繩連丹雨申譙澤慈  
沛動篇獨慚賢作礪空喜福成田

同前

趙彥昭

初地龍飛後金身佛見時千花開國界萬善累皇基北闕承行  
幸西園屬住持天衣拂舊石玉舍起新詞剎鳳迎瑠輦幡紅駐  
綵旗同沾小雨潤竊仰風詩

同前

宋之問

香殺中天起宸遊滿路輝乘龍太子去駕象法王旆金人影窅搃  
玉女扉稍迷深草木遍識舊庭園水入禪心定雲從室思飛歆  
知皇劫去初服綠銖衣

同前

鄭愔

舊邸三乘闕佳宸萬騎留蘭旨奉葉偈芝蓋拂花樓一作會人王



法宮還天地遊紫雲成宝界白水作禪流雁塔昌基遠鸚林眷  
藻抽竹承大風曲竊預小童謳

同前

劉憲

地靈傳景福天駕儼鈎陳佳哉藩邸舊赫矣梵宮新香塔魚山  
下禪堂雁水濱珠幡映白日鏡殿瀉青春甚觀延故吏大覓極  
生人幸承歌頌末長厲車塵

同前

李义

象設隆新宇龍潛想舊居碧樓披集作玉額丹枕導金輿代日  
興光近周星掩曜初空歌清沛筑梵樂美河書帝造還三界天  
文賁六虛康哉孝理日崇德在真如

薦福寺應制

趙彦昭

雲驂驅半景星畢坐中天國誕玄元聖家尋碧落仙王孟鷲薦

壽宝笑鶴知年一曙雲華唱欣承道德篇

奉和同前應制

宋之問

梵筵光聖邸仙豫覽宏規不改靈光殿因開功德池蓮生新步  
葉柱長昔攀枝湧塔庭中見飛樓海上移聞韶三月達觀象七  
星危欵識龍歸處朝來雲氣隨

岳寺應制

前人

暫幸珠筵地俱隣右瀨清泛流張翠幕拂迴挂紅旌雅曲龍調  
管芳罇蟻泛觥陪懽玉座脫復得聽金聲

出林寺應制

前人

緝宇橫天室回壑指帝休曙陰迎日盡春氣枹岳流空樂繁行  
漏香烟薄絲游玉膏從此泛仙馭接浮丘

從幸香山寺應制

沈佺期

集無



南山奕奕通丹禁北閣峩峩連翠雲嶺上樓臺千地起城中鍾  
坡四天聞梅壇曉閣金玉度鸚鵡晴林絲牦分願以醍醐參聖  
海還將祈苑當秋汾

奉和聖制同皇太子遊慈恩寺應制 前人

肅肅蓮花界熒熒且葉宮金人來夢裏白馬出城中湧塔初從  
地焚香歆遍空天歌應春樂非是爲秋風

同前二首 張說

翼翼宸思集作思求煌煌福地開離光昇寶殿寰氣逸香臺上界

幡花合中天妓樂集作日月來願君無量壽仙藻屢徘徊

二

朗朗神居峻軒軒瑞象威聖王集作君成願果太子拂天衣至樂  
三靈會深仁四皓歸還聞渦水曲更逸白雲飛

奉和聖製七月十五日題張敬寺應制 崔元翰

妙道本非說殊途或異名聖人得其要俱以化群生鳳吹從苑苑

龍宮連直城花艷列廣殿雲蓋一作罕駐前庭松竹含新箝一作秋

軒窓有餘清緬懷崆峒事頌繼管絃一作蕭管聲離想境都寂忘言

理更精城中稱信大天下乃爲輕屈已由濟物堯心豈所榮一作

皆雜  
詠

駕幸天長寺應制 釋廣宣

天界宜春賞禪門不掩閑宸遊双月外僧隱百花間車馬喧長路  
煙雲淨遠山觀空復觀倍皇鑒此中閑

駕幸普靜寺應制 前人

南方室界幾由旬八部同瞻一佛身寺壓山河天宇靜樓懸日  
月鏡光新重城柳暗東風暖復道花明上苑春向暖銜輿歸鳳



闕曲江池上動青蘋

和幸聖容院應制

前人

大唐裏千年聖王舍城中百億身却指容顏非我相自言空色是吾真深歎處心隨寶輦慶庭徐步引金輪古來貴重緣親近慙客狂為待從臣

紅樓院應制

前人

紅樓疑見白毫光寺逼宸居福盛唐支道愛山情漫切曇摩泛海路空長經声夜息聞天語鑪氣晨飄接御香誰道此中難可到自憐深院得徊翔

寺中賞花應制

前人

東風萬里送春來上界千花向日開却笑霞樓紫芝侶桃源深洞訪仙來

寺中柿樹一葉四顆詠應制

前人

珍木生竒畝低枝拂梵宮因開四果分本自百一作花中當夏陰涵綠臨秋色變紅君看樂草喻何試太陽功

雜題

降誕日內庭獻壽應制

前人

慶壽千齡遠敷仁萬國通登霄欣有路捧日愧無功仙駕三山上龍生二月中修齊長樂殿講道大明宮此地人難到諸事不同法遙空散後空界滿香風

早秋降誕日獻壽二首應制

前人

秋實開七葉元聖誕千年繞殿祥風起當空瑞日懸道光中國主人識大羅仙敢贊無彊壽香花上法筵

二



萬方瞻聖日九土仰清光  
罄地山河壯彌天福壽長  
瑞烟燠法界真偈起仁王  
看獻千秋樂千秋樂未央

禁中法會應制

前人

天上萬年枝人間不可窺  
道場三教會心地百王期  
侍講霑恩早傳香駐日遲  
在遙還向道通籍計言詩  
空愧陪山列何階答聖慈  
從今精至理長願契無爲

再入道場紀事應制

前人

南方歸去再生天內殿今年異  
昔年見闢乾坤新定位看題日  
月更高懸行隨車輦登仙路  
坐近鑪烟講法遙自喜思深  
陪侍從兩朝長在聖人前

雜言奉和聖製至承光院見自生藤感其得地因以

成詠應制

同前  
特字

崔元翰

新藤正可翫得地又逢時  
羅生密葉交綠蔓欲布清陰  
垂紫蕤已帶朝光暖猶含輕  
露滋遙依九華殿稍上萬年  
枝餘芳連桂樹積潤傍蓮池  
豈如幽谷無人見空復荒榛  
雜兔絲聖心對此應有感隱  
如斯迹誰復知懷賢勞永嘆  
此物賦新詩聘立園訪苑茨  
爲謝中林士王道本無私

宮觀

幸白鹿觀應制

李嶠

駐蹕三天路回車萬仞溪  
真庭群帝饗洞府百靈棲  
玉酒仙垆釀金方暗壁題  
佇看青鳥入還陟紫雲梯

同前

崔湜

御旗探紫籙仙仗闡丹丘  
捧藥芝童下焚香桂文留  
集作流 無歲月鶴語寄春秋  
臣朔其何幸常陪漢武遊  
鵞歌



同前

沈佺期

紫鳳真人劫班龍太上家天流芝蓋下山轉桂旌斜聖藻岳寒  
露仙盃落脫霞唯應問王母桃作幾時花

同前

劉憲

玄遊乘落暉仙雨暖霏微石梁盈澗轉珠珮掃壇飛芝童薦膏  
液松鶴舞驂駢還似瑤池上歌成周馭歸

同前

李乂

制蹕乘驪阜迴輿指鳳京南山四皓謁西岳兩童迎雲幄臨玄  
圃露集作霞是盃薦赤城神明近茲地必何往蓬瀛

同前

武平一

王府凌三曜金壇駐六龍綵旒懸倒影羽蓋偃喬松玄圃靈芝  
秀華池瑞液濃謬因沾管渥長願奉堯封

同前

張說

洞府寒山曲天遊日旰回披雲看石鏡拂雪上金臺竹徑龍驂  
下松庭鶴轡來雙童還薦藥五色耀仙才

同前

徐彥昭

鳳輿乘八景龜錄向三仙日月移平地雲霞綴小天金童擎紫  
藥玉女獻青鸞花洞留宸賞還旗繞夕烟

同前

蘇颯

碧虛青吹下藹藹入仙宮松嶝攀雲絕花源接澗空受符邀羽  
使傳訣駐香童詎似閑居日徒聞有順風

奉和御

一作聖

制登降聖觀與宰同望之作

王維

鳳袞朝碧落龍舂耀金鏡維岳降二臣載天臨萬姓山川八校  
滿井邑三農竟北屋皆可封誰家不相慶林疎遠村出野壙寒



山靜帝城雲裏深渭水天邊映嘉集作喜氣含風景頌聲溢歌詠  
端拱能任賢彌彰聖君聖

奉和聖製慶玄元皇帝玉像之作 前人

明君夢帝見集作先寶命上齊天秦后徒聞樂周王恥卜年玉京

移大像金錄會群仙承露調天供臨空敞御筵斗回迎壽酒山  
近起爐烟願奉無爲化齋心學自然

安國寺隨駕幸唐觀應制 釋廣宣

東林何獻是西隣禪客垣墻接羽人萬乘群仙崇有道三車引  
路本無塵初傳寶訣長生術已證金剛不壞身兩地盡修天上  
事共瞻鸞重來巡駕

奉和華清宮觀行香應制 崔國輔

天子藥珠宮接臺碧落通豫遊皆汗漫齊處卽空通雲物三光

裏君臣一氣中道言何所說寶曆自無窮

雜題

春日從駕新亭應制 劉孝綽

旭日輿輪動言追河曲遊紆餘出一作入紫陌逸遷度青樓前驅

掩蘭徑後乘歷芳州春色江中滿日一作雪華嚴上留江風傳葆

吹巖花映采椽臨渦起眷作駟馬暫停輶徒從榮前阮雍容慙

昔劉空然等彈一作彈翰非徒嗟未道 一作皆集本

侍從途中口號應制 閔朝隱

疵賤出山東忠貞任土風因敷河朔藻得奉洛陽宮一顧侍御

史再顧給事中常願粉肌骨特答造化功

扈從出長安應制 杜審言

分野畿都列時乘川御均京師舊西幸洛道此東巡文物驅三



統声名走百神龍旗索漏夕鳳輦拂集作出鈞陳撫迹地靈古遊

情皇鑒新山追散馬日水憶釣魚人禹食傳中使逸樽遍下臣

省方稱國阜問道識風淳歲晚天行吉恩豐景從親歡娛包歷

代宇宙兩儀春集作忽疑春川御均川集作六

初冬從幸漢故青門應制 沈佺期

漢皇建都邑渭水對青門朝市俱東逝墳陵共北原荒涼蕭相

闕蕪沒邵平園全盛今何在英雄難重論故基仍岳立遺業尚

雲也尚極土功壯安知人力煩天遊戒東首懷昔駐龍軒何必

金湯固無如道德藩微臣諒多幸參乘偶殊恩預此陳古事敢

奏興王言

春日幸龍門應制 武三思

鳳駕臨香地龍輿上翠微星宮含雨色月殿抱春輝碧澗長虹

下雕梁早鸞歸雲疑浮宝蓋石似拂天色露草侵堦長風花繞

帝飛日斜宸賞洽清吹入重闈

駕幸龍門應制 宋之問

宿雨霽氛埃流雲渡城闌河湜柳新翠苑樹花初發洛城花柳

此時濃山水樓臺映幾重群公拂鳳朝翔鳳天子乘春幸鑿龍鑿

龍迹出王城外羽從琳琅擁軒蓋雲罕才臨御橋水天衣已入香

山會山壁嶄巖斷復連清流澄澈俯伊川塔影遙遙綠波上星

龕奕翠微邊層峦舊長千尋木春壑初飛百道泉彩杖紅旌繞

香閣下輦登高望河洛東城宮闕擬昭回南陌溝塍殊綺錯林

下天香七宝臺上中春酒萬年盃微風一起墻花落仙樂初鳴

鳳鳥來鳥來花落紛無已稱觴獻壽烟裏歌舞淹留景欹斜石

闈猶在駐五雲車馬旗翼翼畝芳草龍騎駉駉映曉花千乘万



騎臺輿出水靜山空嚴景蹕郊外喧喧引看人傾都南望屬車  
塵囂引聲揚開黃道佳氣周旋入紫宸先王定鼎三河固宝命  
承周萬物新五君不是瑤池樂時雨來觀農扈春  
賜錦袍及之間奏此詩  
上奪袍以賞之  
時左史東方虬詩先成御

文苑英華卷第一百七十八

登仕郎胡柯 鄉貢進士彭叔夏

校正

文苑英華卷第一百七十九

詩二十九

應令

應教附

應令三十七首

應教二十四首

應令

侍遊新亭應令

梁簡文帝

神襟愍行邁岐路愴徘徊遙瞻十里陌傍望九成臺鳳管流虛  
谷龍騎籍春荻曉光浮野映昕烟承日回沙文浪中積春陰江  
上來柳葉帶風轉桃花含雨開聖情蘊珠綺札命來英才顧憐  
砥硠質何以儷瓊瓌

餘廬陵內史王修應令

前人

餞行臨上節開選命羽裳迴池瀉飛棟濃雲垂畫堂踈懷未合  
影反日暫流光園梅斂新藻堦蕙結初芳



奉和簡文帝太子應令

劉孝威

太子天下本元良萬國貞周朝推上嗣漢代慙重明前星涵瑞  
 彩游雷揚遠聲三善傳樂正百行紀司成九流遍已辨七經咸  
 所精博聞強子政高才陵長鄉禮尊逾屈已德盛益益悲情山  
 菊類聚作氣貽鍾相儒道推栢榮延賢博望苑視膳長安城園綺隨  
 軍輅浮丘侍玉笙智囊前歛笏端士後垂纓九仙良所重四海  
 更垂纓初學記作誰輕班輪同笨乘甲館類聚作親齊蓬衡

奉和六月壬午應制

前人

玄圃棲金碧虛澗挹一作瑤築山圖碣岫穿池控一作海潮  
 雷達石鯨動水闊牽牛遙乘龜猶怯渡鞭石詎成一作橋崖崩  
 下生窟壁峭上千霄蹠蛙常獨佛游魚或自跳荒迳橫臨浦空  
 舟斜插撓愁鳴集古爵白鷺隱青苗神一作心重丘壑散一作

步懷漁樵石累元卿徑枝桂許由瓢伊臣本寂寞一作由來畏

市朝為貪山水心所意唯逍遙寄言周伯况勞君擅穀綃

侍宴餞倭應冬

蕭子顯

儲皇餞離送廣命傳羽裳侍遊追曲水開宴等清漳新泉已激  
 浪初卉始含芳雨罷葉增綠日斜樹影長

餞張惠紹應令

劉孝綽

鮮雲積上月凍雨晦初陽回風翻類聚作揚叔氣落景煥集本

並作新光竹萌始防露桂棹集作捷捷已含芳瑤堦集作庭庭變杜若玉

沼發擯蔣聖襟集作惜岐路曲宴關蘭堂

侍宴離亭應令

前人

輶轅東北望江漢西南永羽旗映日移鏡吹臨風警令王愍追  
 送纒集本類聚並作纒舟宴俄頃掩袂眺征雲銜杯惜餘景首燕徒有



心局步何所集本類聚並作由 騁

侍宴集賢堂應令

前人

北閣類聚時既集作啓西園已又闢官屬引鴻鷺朝行命金碧

伊臣獨可取隆思徒自昔布武登玉墀委坐陪瑤席綢繆叅宴

笑淹畝奉觴醴壺人告漏晚烟霞起將夕反景入池林餘光映

集作泉石

侍宴應令

庾肩吾

副君時暇豫會城聊近劉清池寫飛閣踈樹出龍樓北陸水方

壯西園春欲收類聚梅心方屢動蒲節促難抽徒然欣類聚並

命無以廁應遊

侍宴宣猷堂宴相東王應令 前人

陳王驂駕反副后西園遊並命登飛閣列樹類聚對芳洲桂巖

逢慕序菊水值窮秋竹徑蕭聲發蘭門琴曲幽徒奉文成誦空

知思若抽

從皇太子出玄圃應令

前人見初學記

春光起麗譙屣步陟山椒閣影臨飛蓋鶯鳴入洞簫水還登故

渚樹長合前橋緣何生綺葉丹藤上細苗顧循慙振藻何用儼

瓊瑤

侍宴宣堂應令

前人

副君德將聖陳王才揆天歸來宴平樂置酒對林泉鑪香雜山

氣殿影入池連豔舞時移節新歌屢上絃聽曲慙回顧思經徒

欲眠

侍宴餞相東王應令

前人

陳王從遊士高宴入承華並載同連壁雕文類簡一作沙落猿



時動樹墜雪乍類聚 搖花念此離遙促方愁別路賒

奉和太子納涼梧下應令 前人

北園涼氣早步輦暫逍遙避日文長扇迎風列短蕭山帶彈琴  
曲桐橫棲鳳條懸開溜水錦石鎮浮橋黑米生孤葉青花出稻  
苗無因學仙藻雲氣從飄颻

奉和春夜應令 北閣集作 前人

春牖對芳洲珠簾新上鈎燒香知夜漏刻漏驗更籌天禽下北  
閣織入西樓月皎疑非夜林疎似更秋水光懸蕩壁山翠下添  
流詎假西園讌無勞飛蓋遊

暮遊山水應令得磧字 前人

餘春屬清夜西園恣游歷入逕轉金輿開橋通畫艦類聚 細籐  
初上援新流漸涵磧雲峯沒城柳殿影開巖壁

侍宴餞安太守蕭幾應令 劉孺

芝殿延涼類聚 景畫石寫岫雲玄覽多該洽聖恩究前聞微  
蜜標類聚 精義優游妙典墳餞飲叅多士言贈賦新文

侍宴餞東陽太守蕭子雲應令 張纘

仲月發初陽輕寒帶春序綠池解餘凍丹霞霽新雨良寺謁承明  
徂舟式類聚 蘭渚皇儲惜蔣邁金罇畝宴醕

征虜亭送新安王應令 徐陵

鳳吹臨南渚駕餞東平亭迴漳水乘旆轉洛濱笙地凍班輪饗  
風嚴羽蓋轉燒田雲色暗古樹雪花明岐路一回首流襟動眷  
情

奉和夏日應令 庾亮

珠初學記 簾捲麗日翠幕蔽重陽五月炎蒸氣初學記 三時刻



漏長麥隨風裏熟梅逐雨中黃開冰帶井水和粉雜生香衫含  
蕉葉氣扇動竹花涼早稜生軟角初蓮開細房願陪仙鶴舉洛  
浦聽笙簧

侍宴東宮應令

丁仲文

銅鏤克震位銀榜集佳賓青宮列紺幃紫陌結朱輪絃調室色  
曲歌動畫梁塵金枝傾斗酒瓊筵列八珍花驚度翠羽萍散躍  
顛鱗承恩叨並作扣寂繞陽春

侍皇太子宣應令

沈君道

副君監撫暇禁苑暫停輿初學記水落金沙淺雲高玉帶踈隨  
厨白羽扇初學記逐釣紫鱗魚飽德良無已榮陪終宴餘

同前一作和春初

劉端

眷賞叶春芳開筵臨畫堂庭梅飄早表簷柳變初黃八珍羅玉

俎九醞湛金觴箏響流飛閣歌塵拂妓行何必西園夜空承明

月光

奉和悲秋應令

王胄

秋天擬文學秋水擅莊篆草溫廉葭露波卷洞庭風便坐翻桑  
葉一作長坂歇蘭蕙簷喧猶有鷺波疑作靜未來鴻蟬噪一作

聞疑斷池清映似空劉安悲落木曹植歎征蓬重明豈疑滯無  
累在淵中隨時四序合應物五情同發言形惻隱眷作珽神功  
下材均朽木何以暮雕螿

此篇前五韻初學記作蕭愨秋日詩文苑一百五十八  
卷復云庾信作而此卷乃十韻共題王胄作觀其詞意  
只是一篇當以本為正

宴樂修堂應令

江惣見初學記



肅城通甲觀承華啓畫堂北宮降恩賞西園度羽觴殊私奉王  
倍終宴在金房庭暉連壽彩簷影接雲光仙如伊水駕樂似洞  
庭張彈絲命琴瑟吹竹動笙簧庸踈濫應阮衰朽慙連章

奉和初秋西園應令

蕭愨

池亭三伏後林館九秋前清冷間泉石散漫雜風烟  
渠開千葉影榴豔百枝燦約嶺亭飛旆凌波動畫般

奉和初春出遊應令

李伯藥

鳴笳出望花飛蓋下芝田水光浮落照霞彩淡輕烟柳色臨遠月  
梅花隔二年日斜歸動余興蒲山川

奉和禁苑餞別應令

褚亮

大蕃初錫瑞出牧迺皇京暫似綠車重言承朱傳榮舒桃臨遠  
騎垂柳映軍營惠化宣千里威風動百城禁蘂芳春節

神襟餞送情金徒催別景玉管切離聲野花開且落山鳥呀還  
驚微臣夙多幸薄官奉儲明鈎臺慙作賦伊水濫聞生懷德良  
知久酬恩識命輕

奉和同太子監守遘恋

韓王元嘉

乾象開層構離明啓少陽卜征從獻古守噐屬元良逝矣凌周  
頌遙哉掩漠莊好士傾南洛多才盛北陽  
途間白雲鄉儲誠慶晚夕宸愛即炎涼珠壁連霄漢萬物仰重  
光

同前

薛元超

儲禁銅扉起宸行玉軼  
首瞻龍戟塵外想鸞鏡飛文映仙榜瀝思叶神飈帝念紆蒼綠  
軼初學記作軼非遙空懷壽街吏尚隔寢門朝池  
軼山海經槐江之山實唯帝之平圃振詞條款應



重論曲鏘洋韵九韶

汴水早發應令

虞世基

夏山朝萬國軒庭會百神  
成功疇與讓盛德今為隣  
區宇屬平一庶類仰陶鈞  
奎躔臨河濟裘冕肅紫煙  
啓行分七萃備物象三辰  
祁祁亘原暝濟濟咸播紳  
暢谷昇朝景青丘發早春  
袞衣敷帝則分噐序彛倫  
臨淄成誦美河間雅樂陳  
薰風穆已被茂實久逾新

奉和長春宮

初學記作和至壽春

應令

虞世南

瑤山盛風樂南皮務逸遊  
何如事巡撫民瘼諒斯求  
文鶴揚輕蓋蒼龍旆桂舟  
汎沫滌沙嶼寒澌湧急流  
跂指八仙館途經百尺樓  
脊日昔遊踐回駕且淹溜  
後車喧鳳吹前旌映采旂  
龍驂六馬飛閣上三休  
調借金石駐奏歡洽羽觴  
浮天文徒可仰何以廁琳球

追從鳶輿夕頌戲下應令

前人

重輪依紫極前耀鳳丹霄  
天經恋宸袞帝命扈仙鑣  
乘星開鶴禁帶月下虹橋  
銀書含曉色金輅轉晨飈  
霧徹軒雲初學記作營近塵暗斗城  
遙蓮花分秀萼竹箭下驚  
朝撫已慙龍幹承恩集鳳  
條瑤山盛風樂抽簡薦徒  
謚

春日出苑遊矚

唐玄宗

三陽麗景早芳辰四序佳  
園物候新梅花百般障去  
跂垂柳千條暗迴津鳥集作鳥驚  
值為飛風葉魚沒都由怯  
岸人唯願聖主南山壽何  
愁不賞萬年春

和同前應令

張說

禁林豔裔發青陽春望逍  
遙出畫堂雨洗亭臯千畝  
綠風吹梅



李一園香鶴飛不去隨清管魚躍翻來入彩航  
睿賞歡承天保定道文更睹日重光

同前

賈魯

銅闌曉闌問安回金輅春遊博望開渭水清光  
搖草樹終南佳氣入樓臺招頭已從商山客  
託乘還微鄴下才臣在東周獨留滯忻逢睿  
藻日邊來

皇太子頻賜存問并索唱和新詩因有陳謝  
釋廣宣

望苑招延後禪扉訪問餘祗言似文雅何意  
及庸虛率性多非學綠情偶自書清風聞寺  
響白日見心初重道逢軒后崇儒過魏儲青  
宮列芳梓玄圃積瓊琚鄭鼠寧容者齊竽久  
舍諸空懷壽思感舍思幾躊躇

應教

和晉安王薄晚逐涼北樓迴應教 庾有吾

向昔紛喧屏迎涼飛觀中奇影臨城日窓舍  
度水風遙天如接岸帆影似陵空陪文暫宋  
玉徒等待蘭宮

詠胡床應教

前人

傳名乃外域入用信中京足敬形已正文斜  
體自平臨堂對遠客命旅誓初征何如淄館  
下淹留奉盛明

奉和汎舟漢水往萬山應教 前人

桂棹棠棠般飄揚橫大川映巖承水底激浪  
起雲邊迴一作岸

高花發春塘細草懸陪歌承睿賞接醴侍思  
遙誰云李與郭獨得似神仙

北園新齋成應教

庾信

虹粉豉鳥翼山接拱蘭枝畫梁雲氣繞雕窓  
玉女窺月懸唯及



照蓮開長倒垂盤根細壤石行雨暴澆池長藤連格從疑作高

壽帶巢移鳥聲唯雜曲扇月掩歌兒玉節調笙管金船代酒危

苦論曹子建天人本共知白虎題書觀玄熊帖舛皮文絃入舞

曲花吹直乱吹

春初賦得池應教

張正見

遙天收密雨高閣映奔曦雪盡青山跼冰消綠水池春光落雲  
葉花影發晴枝琴樽奉終宴風月豈云疲

從籍田應衡陽王教

前人

帝京惟赤縣宸居映紫微塗山萬國仰滄海百川歸東歸事平  
秩仲月祀靈威含光開早扇閭闔啓朝扉洛城鍾漏息靈臺雲  
霧卷森森虎戟前靄靄鳶旗轉屬車猶類聚作遊絳闕風馬類聚作鳥度  
丹巘帳殿幸金輿旌門擁玉輦王輦帶飛煙金輿映綠川雨師

清遠路風伯靜遙天分渠通沃野激水入類聚作繞公田草發青壇

外花飛蒼玉前蒼玉臨初學記作陳珪壁青壇歸帝籍冒擬乃三推

齊衡均百辟蘭場儼芝駕桂圃芳瑤席山禽韻管絃野獸和鍾石

初學記作金石金石既相和江波復無波梁客簪裾盛陳王文雅多修

塗驂若駘喬木閑類聚作間輕蘿幸承息吹末擊壤自為歌

衡陽王清夜應教

前人

睢苑涼風入章臺雲氣收螢光連燭動月影帶河流綠綺朱絃  
泛黃花素蟻浮高軒揚麗藻卽是賦新秋

賦得新題梅林輕雨應教

前人

梅壽耿長虹芳林散輕雨蜀郡隨山去陽臺帶雲聚飄花更濯  
枝潤石還侵柱初學記作詎得零陵燕隨風時舞

詠雪應衡陽王教

前人



九冬飄遠雪六出表豐年睢陽生玉壽雲夢起瓊田入窓輕落粉拂柳馱飛綿欲動淮南賦乱下桂花前

暮秋望月示學士各釋愁應教 徐儀

碣石寒光遠 秋色高長州正下葉曲岸已飛濤君王悵晚節延佇謁神臯復屬西園夜輕輦暫遊遨遊遨未云賞蒼月孤上枝間影合離波上光來往此夕未央宮應照仙人掌掌高明轉淨夜深留睿想處處敞高扃流照滿高庭重輪入雅曲合璧映祥經燦爛盈珠網叅差間玉星山幽有芳桂林靜發新賞賞開在帝城分枝共月明斜暉漸幽落彌軫 歸情驟駕且來游聖藻命舒愁詢芻以蠲痍叅妙本難酬良吏稱太宏因時命應釗楚王追綠兕齊后出青丘馳園落雲翼截水曳吞舟無勞子虛叱卽事可忘憂

賦得微雨東來應教

諸葛穎

微雨門

初學記作閣

東峯散漫洒長松澗滿新流濁山霑積翠濃風

起還吹燕雲來本送龍登年隨玉燭名山定可封

奉和望山應教

蕭愨

仙遊本多趣復此上秋初巖石倒嶮嶺高松更踈峯形疑鳥翅塞跼似狼居矚望清初學記作情無已詞殫意有餘

奉和濟黃河應教

前人

大蕃連地室驂駕皇猷奉未明驅羽騎凌晨方畫舟津城度維錦岸柳夾緹油鏡初學記作鍾聲揚別島旗影照蒼流早光生劔服朝風起節樓滔滔細波動裔裔輕舩浮迴撓避近磧放舳下前洲全疑上天漠不異謁蓬丘望知雲氣合聽識水声秋從軍何等樂喜從神仙遊



奉和晚日揚子江應教

柳顧言

詰且金鏡發驂駕出城闈鮮雲臨寶蓋細草藉芳輪千里烟霞  
色四望江山春梅風吹落藥酒雨減輕塵日斜飲未畢睿想良  
非一風生疊浪起霧卷孤帆出揆藻麗繁星高論光朝日宮美  
鄒牧侶終謝淵雲筆

初學記亦載一篇其題曰與柳顧言姓名同詩却云大江都會所長洲有舊名西流崆岷蜀東汎迹蓬瀛未曙  
仙羅動先听遠濤声空蒙雲色晦淡置浪華生欲知暮雨歇當觀飛旆輕未詳

梅夏應教

薛道衡

長廊連紫殿細雨映黃梅浮雲半空上清吹隔池來集鳳桐花  
散勝龜蓮葉開幸逢為善樂頻降食時才

詠寒食鬪鷄應秦王教

杜淹

寒食東郊上雜詠作道揚講竟出籠花冠初照日芥羽正生風願敵

知心勇先鳴覺氣雄長翹頻掃陣利爪

雜詠作距屢通中飛花遍綠

野洒血清

雜詠作散

芳聚雖然百戰勝會自不論功

奉教追赴九成宮途中口號

李嶠

委質承仙翰祇命遙遙策事從梁游入非背淮客偶長驅歷川  
阜迴眺窮原澤鬱鬱桑柘變油油禾黍積雨餘林氣靜日下山  
光夕未攀藜挂巖猶倦飄蓬陌行當奉麾蓋慰此勞形後

宴龍泓

有序不錄

梁王武三思

登臨開勝託眺矚盡良遊出萼榮虛上澄潭屈岫流泛蘭清興  
洽折桂野文道別後相思處崎嶇碧澗幽

奉和梁王宴龍泓應教

宋之問

水府淪幽壑星輅下太微鳥驚司僕馭花落侍臣衣芳樹搖春  
晚晴雲晴坐飛淮上正留客不醉莫無歸



奉和夏日遊山應教

蔡文恭

首夏林壑清薄暮烟霞上連巖聳百仞絕澗臨千嶂照灼晚花  
鮮潺湲夕流響悠然動睿思息駕尋真賞揆彼渦川作懷茲洛  
濱想竊吹等齊竽何用承恩獎

勅借岐王九成宮避暑之作應教 王維

帝子遠辭丹鳳闕天書遙借翠微宮隔窓雲霧生衣上捲幔山  
泉入鏡中林下水喧語笑巖間樹色隱芳櫛仙家未必能勝此  
何事吹笙向碧空

從岐王過楊氏別業應教 前人

楊子談經處淮王載酒過興蘭啼鳥換坐久落花多迳轉迴銀  
燭林開散玉珂嚴成時啓前路擁笙歌

從岐王夜讌衛家山池應教 前人

坐客香貂滿宮娃起幔張澗花輪粉色山月少燈光積翠紗窓  
透集作飛泉綉戶涼還將歌舞出歸路莫愁長

文苑英華卷第一百七十九

登仕郎胡 柯鄉貢進士彭 叔夏

校正



文苑英華卷第一百八十

詩三十

省試一

玄元皇帝應見賀聖祚無疆三首

皇帝移晦日爲中和節一首

主上元日夢王母獻白玉環一首

元日望含元殿御扇開合一首

元和布澤一首  
中和節詔賜公卿尺三首

清明日賜百僚新火三首

九月九日勤政楼下觀百僚獻壽一首

南至日隔霜伏望含元殿爐烟三首

長至上公獻壽三首  
恩賜耆老布帛二首

恩賜魏文貞公諸孫舊第以道直臣二首



御製啟太尉碑二首

御題國子監門二首

御箭連中雙兔一首

太學創置石經一首

觀南郊回仗一首

開擊壤一首

膏澤多豐年一首

東都老父望幸一首

嵩山望幸一首

華清宮望幸一首

謁見日將至雙關一首

望凌煙閣一首

望禁苑祥光一首

晨光動翠華一首

觀北蕃謁廟一首

西戎即叙一首

焚裘一首

觀慶雲岳三首

府試觀開元皇帝東封國一首蕃臣戀魏闕一首

玄元皇帝應見賀聖祚無疆 殷寅

應曆生周日修祠表漢年復茲秦嶺上更似霍山前昔賢神功

起今符聖祚延已題金簡字仍訪玉堂仙睿祖光元始曾孫休

又云六因六夢接慶叶九齡傳北闕心超矣南山壽固然無由

同拜慶竊抃賀陶甄

同前

李岑

皇網歸有道帝系祖玄元運表南山杵神通北極尊大同齊日月興發應乾坤聖后趨庭禮宗臣稽首言千官欣肆觀萬國賀深恩錫宴雲天接飛声雷地喧祥雲飛紫閣喜氣繞皇軒未預承天命空勤望門

同前

趙繹

聖主今司契神功格上玄豈唯求傳野更有叶鈞天雷夢南山下焚香北闕前道光尊聖日應福積靈年咫尺真容近巍峩大象懸觴從百僚獻形為萬方傳声教唯皇天英威固邈然慚無



美周頌徒上祝堯篇

皇帝移晦日為中和節

王季友

皇心不向晦改節號中和淑氣同風景佳名別詠  
詩前裙移舊倍賜尺下新科曆象千年正醑醑四海多花隨春令發鴻渡歲陽過天地齊休慶歡声歆盪波

王上元日夢王母獻白玉環 丁澤

夢中朝上日闕下拜天顏彷彿瞻王母分明獻玉環  
靈姿趨甲帳道悟契玄閑似見霜姿白如看月彩弯霓裳歸物外鳳曉人寰仙聖非相遠昭昭寤寐間

元日望含元殿御扇開合 張莒

萬國未初歲千年曙聖君輦迎仙仗出扇匝御香焚  
俯對朝元雜詩近先知曙色分晃旒開處見鍾磬合時聞影動承朝日花

攢似慶雲蒲葵那可比徒用隔炎氛

元和布澤 潘孟陽

至德生成太威歆煦育恩流輝霑萬物布澤在元三  
北闕祥雲滿東方喜氣繁青陽初應律蒼玉正臨軒  
恩洽因時令風和比化源自慚同草木無以荅乾坤

中和節詔賜公卿尺 陸復礼

春仲令初吉歡娛樂大中皇恩貞百度宝尺賜群公  
歆使方偶法還令規矩同捧觀珍質麗拜受聖心崇  
如荷丘山重恩酬分寸功從茲度天地與國慶無窮

同前 張度

淑景雜詩韶光媚皇明寵錫崇具寮頒玉天成噐  
幸良工豈止尋常用將傳度量同人何不耻則物亦  
賴其功紫翰宣殊造丹



誠厲匪躬奉之無失墜恩澤自天中

同前

李觀

陽和行慶賜尺度為臣功

一作及群公

荷寵承

一作承

佳節傾心立太

中短長思合製遠近貴依同共仰裁成德將酬分寸功作程施

有用

一作改

垂範播無窮願續延洪

一作南山

壽十春奉聖躬

清明日賜百寮新火

韓濬

朱

一作王

騎傳紅燭天厨賜近臣火隨黃道見烟繞白榆新榮耀

分池日

一作室

思光共紫宸更調金鼎味

一作膳

還暖玉堂人灼灼

千門曉輝輝萬井春螢憐聚螢者瞻望無獨隣

一作皆雜詠

同前

史延

上苑連侯第清明及暮春九天初改火萬井屬良辰頒賜恩逾

洽承時慶抃

雜詠作亦

均翠烟和柳嫩紅焰出花新寵命尊三老祥

光燭萬人太平當此日空腹賀陶甄

同前

御火傳香殿華光及侍臣星流中使馬燭耀九衢人轉影連金

屋分輝麗錦茵焰迎紅蓋發烟染綠條春助律和風早添鑪暖

氣新誰憐一寒士猶望照東隣

九月九日勤政楼下觀百寮獻壽

御氣黃花節臨軒紫陌頭早陽生彩仗霽色入仙棧獻壽皆鴛

鷺瞻天盡晁旒菊罇過九日鳳曆肇千秋樂轉薰風起盃酣瑞

影收年年歌舞席此地慶皇休

南至日隔霜伏望含元殿鈔烟 崔立之

千官賀長至萬國拜含元隔仗鈔光出浮霜烟氣翻飄飄縈內



殿漠漠澹秋軒聖日開如捧鄉雲近欲渾輪困洒宮闕蕭索散  
乾坤願若天風便披香捧至尊

同前

裴次元

冕旒初一作親負辰弁服盡朝天暘谷初移一作移初日金輪漸起一作

出御煙芬香流遠近散漫入貂蟬霜仗凝逾白朱攔映轉鮮始看

浮闕在稍見一作竟逐風遷為沐皇家慶來瞻羽衛前

同前

王良士

抗殿疏龍首高高接上玄節當南至日星是北辰天霜一作室戟

羅仙仗金鈿引御一作瑞烟霏微霜闕麗浴曳九門一作州連拂樹

祥光滿分晴瑞一作曉色鮮一陽今在曆生植陶顛一作雜詠

長至上公獻壽

張叔良

鳳闕晴鍾度一作動鷄人曉漏長九重初啓鑰三事盡一作正稱觴

日至龍顏近天旋聖曆長休光連雪淨瑞氣雜鈿香化被君臣

洽思霑士庶康不因稽舊典誰得記一作紀朝章一作皆雜詠

同前

李竦

候曉金門闢乘時室曆長羽儀瞻上宰雲物麗初陽漢禮方傳

珮堯年正捧觴日行臨觀闕帝錫洽珪璋盛美起三代洪休降

百祥自憐朝不坐空此詠無疆

同前

崔琮

應曆三微一作陽首朝天萬國同斗看邊子月臺上候祥風五夜

鍾初曉千門日正融玉階文物盛仙仗虎雜詠作武貌雄率舞

皆群辟稱觴即上公南山為聖壽長對未央宮

息賜耆布帛

渙汗中天登殊私海外存衰烟逢聖代華髮受皇恩燭物明堯



日垂衣闢禹門惜時悲落景賜帛慰餘魂厚澤沾祥泳微生保  
子孫盛明今尚齒歆奉九衢樽

同前

張復元

殊私及耆老聖慮軫元元布帛忻天錫生成在主思清均皆挾  
曠禮異賁丘園慶洽時方太仁霑月告存寧知酬雨露空識荷  
乾坤擊壤將何幸徘徊對九門

恩賜魏文貞公諸孫舊弟以道直臣 陳彥博

阿衡隨逝水地管主他人天意能酬德雲孫喜庇身生前由直  
道歿後振芳辰雨露新思日芝蘭舊里春勲庸流十代光彩映  
諸隣共賀昇平日從茲得諫臣

同前

裴太章

邢茅雖舊錫第却是初榮迹往觴遺事思深咸直深昆孫才慶  
襲池館忽春生古甃開泉井新禽繞盍楹自然垂帶礪况復激  
忠貞必使千年後長書竹帛名

御製段太尉碑

葉元良

多難全高節時清軫聖君園英標石篆雨露降天文義激忠貞  
沒詞傷蘭蕙焚國人皆墮淚王府已名勲揭出臨新陌長留對  
古墳膏情幽感處應使九泉聞

同前

薛有誠

葵儀從儉禮刊石荷堯君露迹垂繁字天哀滿麗文詔深榮嗣  
子海變記孤墳室思皆涵像皇心永念勲雅詞黃絹妙渥澤紫  
泥分青吏應同文芳声萬古聞

御題國子監門

宸翰符玄造榮題國子門筆鋒回日月字勢動乾坤簷宇雲光絕



梁間鵲影翻張英聖莫擬索靜妙旨言為著盤龍迹能章舞鳳  
罇更隨垂露像常以沐皇恩

御箭連中雙兔

宸遊經上苑羽獵向閑田狡兔初迷窟織纒詎著鞭三驅仍百  
步一發遂雙連影謝含霜草魂消向日弦驩聲動寒木喜氣滿  
晴天那似陳王意空隨樂府篇

大學創置石經

馮涯

聖唐復古樹德義功無晉奧旨悅詩書遺文分篆隸鈎銀互交  
映石壁靡塵翳永興乾坤期不逐日月逝儒林道益廣學者心  
弥銳從此理化成思遍遐裔

觀南郊迴仗

傳警千門寂南效綵仗迴但驚龍再見誰識日雙開德澤施雲

雨恩光變燼灰閱兵貔武振聽樂鳳凰來候刻移宸輦尊時卽  
觀臺多慚遠臣賤不得禮容陪

聞擊壤

石殷士

堯年聽野老擊壤復何云自謂歡由已寧知德在君氣平閑易  
暢聲賀作南分耕作方隨日恩威比望雲菁浮均下調木等  
南勲燕落於吾事誰將帝已聞

膏澤多豐年

張聿

幸德方多澤苒苒井逕同八方甘雨布四遠報年豐教庾千箱  
在幽流萬壑通候時勤稼穡擊壤樂農功畎畝人無墮田廬歲  
不空何須憂仗臙千載賀堯風

東都老父望幸

鄭夬

銜輿秦地火羽衛洛陽空彼上雖憑固茲川乃得中顏龍覲白



日鶴髮仰清風望幸誠逾邈懷來意不窮昔因封泰岳今佇躡  
維嵩天地心無異神祇理亦同翠華翹渭北玉檢候關東衆願  
其難阻明君早勤功

嵩山望幸

王邕

峻極位何崇方知造化功降靈逢聖主望幸表維嵩映運青壁  
嵯峨向磬空象車因叶瑞龍駕願升中萬歲聲常在千巖氣轉  
雄東都歌盛事西咲佇皇風

華清宮望幸

驪岫接新豐堯峇駕碧空鑿山開祕殿隱霧蔽仙宮絳闕猶棲  
鳳雕梁尚帶虹溫泉曾浴日華館舊迎風肅穆瞻雲輦深沈閉  
騎籠東郊望竒處瑞氣靄蒙蒙

謁見日將至雙闕

曉色臨雙闕微臣禮位陪遠驚龍鳳覩誰識冕旒開藹藹千年  
盛顛顛萬國來天文標日月時令布雲雷迴出黃金殿全分白  
玉臺雕蟲竟何取瞻恋不知迴

望凌烟閣

劉公興

畫閣凌虛構遙瞻在九天丹楹崇壯麗素壁繪勲賢藹藹浮元  
氣亭亭出瑞烟近看分白壁遠揖誤群仙首列青霄外儀形紫  
禁前望中空霽景驤首幾留連

望禁苑祥光

張聿

佳氣生天苑葱籠幾効祥樹遙三殿際日映九城傍山霧寧同  
色鄉雲未可彰眺分疑鼎氣臨渭相榮光當並春陵發應開聖  
曆長微臣時一望短羽欲翱翔

晨光動翠微



早朝開紫殿佳氣逐清晨北闕華旌在東方曙景新影連香露  
合光媚慶雲頻鳥羽飄定龍交照轉真初直宜環珮入長愛冕  
旒親搖蕩祥雲裏朝朝映臣

觀北蕃謁廟

肅肅層城裏巍巍祖廟清聖息單布護異域獻精誠冠蓋分行  
列戎夷變姓名禮終齊百拜心絜盡忠真瑞氣千重色蕭韶九  
奏声仗移迎日轉旆動逐風輕休運威儀盛豐年俎豆盈不堪  
慚頌德空此望簪纓

西戎卽叙

李子昂

懸首蒿街中天兵破大戎營收低隴月旗偃渡湟風肅殺三邊  
勁蕭條萬里空元戎咸服罪餘孽盡輸忠聖理符軒化仁恩契  
禹功降逾洞庭險梟擬支郵窮已散年容捷還資妙算通今朝

觀卽叙非與獻葵同

焚裘

今主臨前殿懲奢焚異裘忽看陽焰發如睹吉光流麗彩辭宸  
宸余香在御棲火隨余燼滅氣逐遠煙浮素朴同風變凋華逐  
志休大岳恭儉德千古揖皇猷

觀慶雲旨

李程

五雲從表瑞藻繪宛成晷柯葉何時改丹青此不渝非烟色尚  
麗似蓋尚應殊渥彩看猶在輕陰望已無方將偶翠幄那羨起  
蒼梧歆識從龍處今逢聖合符

同前

柳宗元

設色初成象鄉雲示國都九天開秘旨百辟贊嘉謨抱日依龍  
袞非煙近御爐高標連汗漫迴望接虛無裂素榮光發舒華瑞



色敷恒將配堯德垂慶代堯圖

同前

繡素傳休祉丹青壯慶雲飛烟凝漠漠似蓋乍紛紛尚駐從龍  
意全書捧日文光陰五色起影向九霄分裂素觀嘉瑞披晷賀  
聖君寧同窺汗漫方此覩氛氲

府誠觀開元皇帝東封晷

馬戴

儼若翠華舉登封晷乍開冕旒明主立冠劍侍臣陪跡類飛仙  
去光同拜日來痕分疑檢玉黛色訝生苔桂壁雲將起陵峯仗  
若迴何年復東幸魯史望悠哉

蕃臣恋魏闕

蔣防

剖竹隨皇命分憂鎮大蕃息波還魏闕獻納望天闈政奉南風  
順心依北極尊夢魂通玉陛動息寄未軒直以蒸黎念思陳政  
化源如何子牟意今古道斯存



文苑英華卷第一百八十

登仕郎胡柯鄉貢進士彭叔夏

校正



